

摘藻堂四庫全書薈要

經部

欽定四庫全書薈要

經部

周易本義附錄纂註卷八

十五



欽定四庫全書薈要卷三百八十

經部

周易本義附錄纂註卷八

元 胡一桂 撰

繫辭下傳

成列象在其中矣因而重之爻在其中矣成列謂乾一允

二離三震四巽五坎六艮七坤八之類象謂卦之形體也因而重之謂各因一卦而以八卦次第加之為六十

四也爻六爻也既重而後卦有六爻也

附錄

八卦所以成列乃是從太極兩儀四象漸次生出以至於

此畫成之後方見其有三才之象非聖人因見三才遂以已意思惟而連畫三爻以象之也因而重之亦是因

八卦之已成各就上面接次生出逐爻則更加三變方成六十四卦若待生全卦則只用一變便成六十四卦雖有遲速之不同然皆自然漸次生出各有行列次第畫成之後然後見其可盡天下之變不是聖人見下三爻不足以盡天下之變然後別生計較又并畫上三爻以盡之也此等皆是作易妙處方其畫時雖是聖人亦自不知裏面有許多巧妙奇特直是要人細心體認不可草草立說答索樞

剛柔相推變在

其中矣繫辭焉而命之動在其中矣

剛柔相推而卦爻之變往來交錯無

不可見聖人因其如此而皆繫之辭以命其吉凶則占者所值當動之爻象亦不出乎此矣

附錄

變是

就剛柔交錯而成卦爻上言動是專指當占之爻言如二爻變則占者以二爻為主這二爻便是動如五爻變

一爻不變則占者以不變爻為主則這不變底便見動處也學蒙

吉凶悔吝者生乎動

者也

吉凶悔吝皆辭之所命也然必因卦久之動而後見

剛柔者立本者也變通

者趣時者也

一剛一柔各有定位自此而彼變以從時

附錄 此兩句亦相對說剛柔者陰陽

之質是移不得之定體故謂之本若剛變為柔柔變為剛便是變通之用必大剛柔兩箇是本變通便只是其往來者學蒙互論上繫剛柔者立本者也變通者趣時者也便與變化者進退之象也剛柔者晝夜之象也一樣學蒙剛柔者晝夜之象所謂立本

變化者進退之象所謂趣時文蔚

纂註

蔡氏曰剛柔

體變通者剛柔之時用

吉凶者貞勝者也

貞正也常也物以其所正為常者也天下之事

非吉則凶非凶則吉

附錄

問貞勝一段張程之說孰是曰吉凶二者常須有一個勝

故曰貞勝貞所以訓常者易傳解此處多云正固固乃常也為正字盡貞不得故又著一固字謂如雖是正又

須常固守之
纂註張子曰有義命當吉當凶當亨當否
然後為貞
者聖人不使避凶趨吉一以貞勝而

不顧如大人否亨有隕自天過涉滅頂凶无咎損益龜
不克違及其命亂之類三者情異不可不察按朱子曰

張子貞勝之說雖非經旨然其說亦自好便只行得他
說有甚不可大凡有人解經雖有與經意稍遠然其說
是底自是一說不可廢他又曰吉凶以貞勝有雖凶而
不可避者縱貧賤窮困死亡却非悔吝故橫渠云不可
避凶趨吉一以
貞勝者是也
天地之道貞觀者也日月之道貞明者

也天下之動貞夫一者也
觀示也天下之動其變无窮然順理則吉逆理則凶則其

所正而常者亦
附錄
明天地之道則常示日月之道則常

底故曰貞夫乾確然示人易矣夫坤隤然示人簡矣
夫一文蔚夫乾確然示人易矣夫坤隤然示人簡矣
然確

健貌賁然順貌
所謂貞觀者也

爻也者效此者也象也者像此者也

此謂

上文乾坤所示之理爻之奇附錄

問效此是效乾坤之變化而分六爻像此

是像乾坤之虛實而為奇偶曰效此便

爻象動乎內吉

凶見乎外功業見乎變聖人之情見乎辭

內謂著卦之中外謂著卦

之外變即動乎內之變辭即見乎外之辭

附錄

先生問曰如何是爻象動乎內吉凶見乎外如何分或曰

陰陽老少在分掛揲歸之時而吉凶乃見於成卦之後曰也是如此然內外字猶言先後顯微學蒙功業見乎

變是就那動底爻見得這功業字似吉凶

天地之大德

曰生聖人之大寶曰位何以守位曰仁何以聚人曰財

理財正辭禁民為非曰義

曰人之人今本作仁呂氏從古蓋所謂非眾罔與守邦○

此第一章言卦爻吉凶造化功業

附錄

天地以生物為心蓋天地之間品物萬形各有所事唯天確然

於上地賸然於下一無所為只以生物為事故易曰天地之大德曰生而程子亦曰天只是以生為道答欽夫後世只為這兩箇不相對有位底無德有德底無位有位則事事做得淵理財言你底還你我底還我正辭言是底說是不是底說不是猶所謂正名淵問人君臨天下大事小事只是理財正辭如何曰理財是因上文而言聚得許多人在這裏無財何以養之有財不能理却也不得正辭便只是分別是非又曰教化便却在正辭裏面了

學蒙

古者包犧氏之王天下也仰則觀象於天俯則

觀法於地觀鳥獸之文與地之宜近取諸身遠取諸物

於是始作八卦以通神明之德以類萬物之情

王昭素曰與地

之宜諸本多有天字俯仰遠近所取不一然不過以陰陽消息兩端而已神明之德如健順動止之性萬物

之情如雷風

附錄

文蔚曰先生易中謂伏羲作易驗陰陽消息兩端而已此語最盡曰陰陽

雖是兩箇字然却是一氣之消息一進一退一消一長進處便是陽退處便是陰長處便是陽消處便是陰只

是這一氣之消息做出古今天地間無限事來所以陰陽做一箇說亦得做兩箇說亦得古者伏羲觀鳥獸之

文與地之宜那時未有文字只是仰觀俯察而已想得聖人心細雖以鳥獸羽毛之微也盡察得有陰陽今人

心粗如何察得或曰伊川見兔曰察此亦可畫卦便是此義曰就這一端上亦可以見耳凡草木禽獸無不有

陰陽鯉魚脊上有三十六鱗龍脊上有八十一鱗龍不曾見鯉魚有之又龜背上文中間一簇成五段文兩邊

各插四段共成八文又八文之外兩邊周圍共二十四段中間五段者五行也兩邊插八段者八卦也周圍二十四段者二十四氣也箇箇如此又如草木之有雌雄銀杏桐楮牝牡麻竹之類皆然又樹木向陽處則堅實其背陰處必虛軟男生必伏女生必偃蓋男陽處在背女陰處在腹倘聖人作易之初蓋是仰觀俯察見得盈乎天地之間者無非一陰一陽之理有是理則有是象有是象則其數便自在這裏非特圖書為然蓋所謂數者祇是氣之分限節度處得陽必奇得陰必偶凡物皆然而圖書特為巧而著耳賀孫萬物之情盡於八卦而震巽坎離艮兌又總於乾坤曰動曰陷曰止皆健底意思曰麗曰說曰入皆順底意思聖人下此八字極狀得八卦情大纂註蔡氏曰聖人所畫之卦精可以通神明之德必大德粗可以類萬物之情神明之德不可見者也故曰通萬物之情可見者也故曰類作結繩而為罔罟以佃以漁蓋取

諸離

兩目相承而物麗焉

附錄

蓋取等字乃摹樣是德地

纂註

徐氏曰離體中虛兩目相承而

物麗之罔

邑犧氏沒神農氏作斲木為耜揉木為耒耒

耨之利以教天下蓋取諸益

二體皆木上入下動天下之益莫大於此

附錄

問本義上入下動於卦義則是於取象有所未曉曰耜乃今之鐮胡瓜切鑿七消切耒乃鐮柄雖是下入必竟是

上面用力方得入學蒙蓋字便是一个半間半界底字如取諸益離不是先有見乎離而後為網罟先有見乎益而後為耒耜之屬聖人亦只是見魚鼈之屬欲有以取之遂做物事去攔截他欲得耕種見土地硬遂做物事去剔起他却合於離之象合於益之象

又曰有取其象者有取其意者賀孫

日中為市致天

下之民聚天下之貨交易而退各得其所蓋取諸噬嗑

日中為市上明而下動實纂註蔡氏曰天下之民不同業又借噬為市噬為合也天下之貨不同用致而聚

者噬而噬神農氏沒黃帝堯舜氏作通其變使民不倦

神而化之使民宜之易窮則變變則通通則久是以自

天祐之吉无不利黃帝堯舜垂衣裳而天下治蓋取諸

乾坤乾坤變化而无為附錄黃帝堯舜氏到這時候合當如此

而天下治是大變他以前底事了淵通其變須蔡註是得一箇人通其變若聽其自變如何得賀孫蔡註氏

曰乾上坤下垂衣裳而治之義剡木為舟剡木為楫舟楫之利以濟不

通致遠以利天下蓋取諸渙木在水上也致遠服牛乘

馬引重致遠以利天下蓋取諸隨

下動纂註蔡氏曰服上說

義

重門擊柝以待暴客蓋取諸豫

豫備之意

附錄

重門擊柝以待暴客

只是豫備之意却須待用互體推艮為門闕雷震乎外之意弦木為弧剡木為矢只是睽乖故有威天下之象亦必待穿鑿附會就卦中推出制器之義殊不知卦中但有此理而已所以孔子各以蓋取諸某卦言之初亦不過謂其大斷木為杵掘地為臼臼杵之利萬民以濟意云耳謨

蓋取諸小過

下止上動

弦木為弧剡木為矢弧矢之利以威

天下蓋取諸睽

睽乖然後威以服之

上古穴居而野處後世聖人

易之以宮室上棟下宇以待風雨蓋取諸大壯

壯固之意纂

註蔡氏曰棟屋脊標也宇椽也棟直承而上故曰上棟
宇兩垂而下故曰下宇棟取四剛義宇取二柔義

古之葬者厚衣之以薪葬之中野不封不樹喪期無數

後世聖人易之以棺槨蓋取諸大過送死大事而過於厚上古結

繩而治後世聖人易之以書契百官以治萬民以察蓋

取諸夬明決之義○此第二章附錄上古結繩而治言聖人制器尚象之事後世易之以書

契天下事有古未之為而後人為之固不可无者此類
是也如年號一事古所未有後世既置便不可廢胡文
定却以後世建年號為非以為年號之美有時而窮不
若只作元年二年三年也此殊不然三代以前事迹多
有不可考者正緣无年號所以事无統紀難記如云某
年王某月箇箇相似更无理會處及漢既建年號於是

事乃各有所紀屬而可記而今年有年號猶自姦偽百出若只寫一年二年三年則官司詞訴簿歷憑何而決少聞更

无討理會處嘗見前輩說有兩家爭田地甲家賣在元祐幾年乙家買在其先甲家遂將元字改擦作嘉字乙

家別將出文字又在嘉祐之先甲家遂又將嘉祐字塗擦作皇祐有年號猶自被人如此无後如何憫結繩今

溪洞諸蠻猶有此俗又有刻板為記者年月日時以纂註蔡至人馬糧草之數皆刻板為記都不相亂憫

曰言有所不能記者則造書以記之事有所不能信者則造契以信之取明決之義是故易者象

也象也者像也易卦之形附錄也只是髣髴說不可求

得太深佐易者象也是總說起言易不過只言陰陽之象下云像也材也天下之動也則皆是說那上面象字

學蒙豕者材也豕言一爻也者效天下之動者也效放是

故吉凶生而悔吝著也

悔吝本微因此而著○此第三章

陽卦多陰陰

卦多陽

震坎艮為陽卦皆一陽二陰巽離兌為陰卦皆一陰二陽

其故何也陽卦奇

陰卦耦

凡陽卦皆五畫凡陰卦皆四畫

附錄

問陽卦多陰至陰卦偶曰陽卦五畫所以多陰陰卦

四畫所以多陽因為之說曰陽卦宜多陽而多陰陰卦宜多陰而多陽其故何也蓋陽卦之數必五奇數也奇

則陰畫自多陰卦之數必四偶數也偶則陽畫自多其多陰多陽皆自然而非人力所能參也先生曰是學

蒙○愚因語錄而推八卦奇偶之畫每卦雖各得其三

而合之則為六乾坤合為六震巽合亦六坎離合

亦六艮兌合亦六適符老陰掛劫之用數總之則四六二十四畫而成老陰過揲之數若無與於老陽之數矣

然以陽卦五畫陰卦四畫觀之奇耦之合又皆老陽掛劫之用數故乾坤合為九震巽合亦九坎離合亦九艮

允合亦九悉數之實成三十六而為老陽過揲之數焉
此乾坤用九用六其數默見於卦畫之可推者如此雖
出於偶然其實亦莫非自然
其德行何也陽一君而二
之妙也豈可以人力參哉

民君子之道也陰二君而一民小人之道也

君謂陽民謂陰○此

第四章 附錄

二君一民試教一箇民而有兩箇君看是甚摹樣

淵纂註

徐氏曰君謂陽民謂陰君

子之道以陽統陰小人之道以陰統陽

易曰憧憧往來朋從爾思子曰天

下何思何慮天下同歸而殊塗一致而百慮天下何思

何慮

引咸九四爻辭而釋之言理本無二而殊塗百慮莫非自然何以思慮為哉必思而從則所從者亦

狹附錄

感應之理本不消思慮空費思量空費計較空費安排只順其自然而已

纂註 蔡氏

曰天下萬殊何思何慮而能感之以其迹而言則歸雖同而塗則殊以其心而言則志雖一而慮則百殊塗百慮紛然並作果何從而思何從而慮也

日往則月來月往則日來日月相

推而明生焉寒往則暑來暑往則寒來寒暑相推而歲

成焉往者屈也來者信也屈信相感而利生焉

言往來屈信皆

感應自然之常理加憧憧焉則入於私矣所以必思而後有從也

附錄

日往則月來一段乃承上章憧

憧往來而言往來皆人所不能無者但憧憧則不可學往來自不妨如日往月來寒往暑來皆是常理只著

箇憧憧便纂註

程子曰感動也有感必有應凡有動皆為感感則必有應所應復為感感復為

應所以不已也按朱子釋之曰如日往則感得那月來月往則感得那日來寒往則感得那暑來暑往則感得

那寒來一感一應一往一來其理無窮感應之理是如
此曰此以感應之理言之非有情者云有動皆為感似

以有情者言曰父慈則感得那子愈孝子孝則感得那
父愈慈其理亦只一般又曰凡在天地之間無非感應
之理造化與人事皆是感應且如雨暘雨不成只管雨
便感得个暘出來暘不成只管暘暘已是應處又感得
雨來是所謂感復有應所應復為感寒暑晝夜無非此
理至如人睡夜不成只管睡不起至曉須著起來一日
運動向晦亦須當息凡一死一生一出入一往一來
一語一默皆是感應如古今天下有一盛則有一衰聖
人在上兢兢業業必曰保治及到衰廢自是尺蠖之屈
整頓不起然不成一向如此必有興起時節

以求伸也龍蛇之蟄以存身也精義入神以致用也利

用安身以崇德也

因言屈伸往來之理而又推以言學
亦有自然之機也精研其義至於入

神屈之至也然乃所以為出而致用之本利其施用無適不安伸之極也然乃所以為入而崇德之資內外交相養互附錄尺蠖若不屈則伸不得龍蛇若不蟄便不相發也附錄伏得氣如何存得身精義入神疑其與行處不相關然而見得道理通徹乃所以致用利用安身與崇德不相關然而動作得其理則德自崇天下萬事萬變無有不感通往來之理學蒙尺蠖屈便要求伸龍蛇蟄便要存身精研義理無毫釐絲忽之差入那神妙處這便是要出來致用外而用得利而安身乃所以入來自崇已德致用之用即是利用之用所以橫渠云精義入神事豫吾內求利吾外利用安身素利吾外致養吾內淵精義入神正與利用安身為對其曰精此義而入於神猶曰利其用以安身耳答江元通精義二字聞諸長者所謂義者宜而已矣物之有宜有不宜事之有可有不可吾心處之知其各有定分而不可易所謂義也精義者精諸此而已所謂精云者猶曰察之云耳精

之之至而入於神則於事物所宜毫釐委曲之間無所
不悉有不可容言之妙矣此所以致用而用無不利也
同上義至於精則應事接物之間無一非義不問小事
大事千變萬化改頭換面出來自家應副他如利刀快
劍相似迎刃而解件件判作兩邊去賀孫精義入神以
致用也蓋惟如此然後可以應務未至於此則凡所作
為皆出於私意之鑿冥行而已雖使或中君子不貴也
荅程洵大雅問利者義之和也順利此道以安此身則
德亦從而進矣曰孔子遭許多困厄身亦危矣而德亦
進何也大雅云身安而後德進者君子之常孔子遭變
權之以宜寧身不安過此以往未之或知也窮神知化
德則須進曰然大雅過此以往未之或知也窮神知化
德之盛也下學之事盡力於精義利用而交養互發之
機自不能已自是以上則亦無所用其力矣
至於窮神知化乃德盛仁熟而自致耳然不知者往而
屈也自致者來而信也是亦感應自然之理而已張子

曰氣有陰陽推行有漸為化合一不測
為神此上四節皆以釋咸九四爻義
附錄夫子之教

顏子只是

博文約禮二事至於欲罷不能既竭吾才如有所立卓
爾處只欠箇熟所謂過此以往未之或知也窮神知化

德之盛也人傑過此以往未之或知亦只是雖欲從之
末由也已之意德明窮神知化德之盛這德字只是上

面崇德之德德盛後便能窮神知化便如聰明睿知皆
由此出自誠而明相似淵林問正蒙形而上者得辭斯

得象矣神為不測故緩辭不足以盡神化為難知故急
辭不足以盡化如何是緩辭急辭曰神自是急辭化是

漸漸而化若急辭形容之不可寓化是逐些子挨將去
底一日復一日一月復一月節節挨將去便成一年這

是化神是一箇物事或在彼或在此當其在陰時全體
在陰在陽時全體在陽都只是這一物兩處都在不可

測故謂之神橫渠云一故神兩故化又注云兩在故不
測這說得甚分曉淵總論一章之旨天下何思何慮便

是先打破那思字却說那同歸殊途一致百慮又再說天下何思何慮謂何用如此憧憧往來而為此朋從之思也日月寒暑之往來尺蠖龍蛇之屈伸皆是自然底道理不往則不來不屈則不能伸也今之為學亦只是如此精義入神用力於內乃所以致用乎外利用安身求利於外乃所以崇德於內只是如此做將去雖至於窮神知化地位亦只是德盛仁熟之所至何思何慮之有謨

易曰困于石據于蒺藜

入于其宮不見其妻凶子曰非所困而困焉名必辱非所據而據焉身必危既辱且危死期將至妻其可得見

邪

釋因六附錄

非所困而困焉名必辱大意指困于石說石是挨動不得底物事自是不須去

動他若只管去用力徒自困耳又曰且以人事言之有
著力不得處若只管著力去做少閒去做不成他人便

道自家無能便是辱了名或曰若在其位則做得曰自是如此又意義謂不可做底事便不可入頭去做學蒙

易曰公用射隼于高墉之上獲之无不利子曰隼者禽

也弓矢者器也射之者人也君子藏器於身待時而動

何不利之有動而不括是以出而有獲語成器而動者

也括結礙也此釋附錄張欽夫說易謂只依孔子繫辭解上六爻義說便了如說公用射隼至成器

而動者也只如此說便了固是如此聖人之意只恁地說不得緣在當時只理會得象數故聖人明之以理賀

孫又曰孔子自是發出言外意學蒙子曰小人不恥不仁不畏不義不見

利不勸不威不懲小懲而大誡此小人之福也易曰履

校減趾无咎此之謂也

此釋噬嗑初九爻義

纂註

厚齋馮氏曰不以不仁為恥故

見利而後勸於為仁不以不義為畏故畏威而後懲於不義

善不積不足以成名惡

不積不足以減身小人以小善為无益而弗為也以小

惡為无傷而弗去也故惡積而不可掩罪大而不可解

易曰何校減耳凶

此釋噬嗑上九爻義

子曰危者安其位者也亡

者保其存者也亂者有其治者也是故君子安而不忘

危存而不忘亡治而不忘亂是以身安而國家可保也

易曰其亡其亡繫于苞桑

此釋否九五爻義

附錄

問危者以其位為可安而

不知戒故危亡者以其存為可保故亡亂者有其治是自有其治如有其善之有故亂曰保字說得較牽強只是常有危亡與亂之慮可以學蒙子曰德薄而位尊知小而安其位保其存有其治

謀大力小而任重鮮不及矣易曰鼎折足覆公餗其形

渥凶言不勝其任也

此釋鼎九四爻義

子曰知幾其神乎君子

上交不諂下交不瀆其知幾乎幾者動之微吉之先見

者也君子見幾而作不俟終日易曰介于石不終日貞

吉介如石焉寧用終日斷可識矣君子知微知彰知柔

知剛萬夫之望

此釋豫六二爻義漢書吉之之間有凶字

附錄

魏問幾者動之微吉之先

見者也曰似是漏字漢書上引此句說幾者動之微吉凶之先見者也似說得是幾自是有善有惡君子見幾亦是方舍惡從善賀孫幾是動之微是欲動未動之間便有善惡便須就這處理會若至於發著之甚則亦不濟事矣更怎生理會所以聖賢說戒謹乎其不睹恐懼乎其不聞蓋幾微之際大是要切道夫君子上交不諂下交不瀆他這下面說幾最要看箇幾字只爭些子凡事未至而空說道理易見事已至而顯然道理也易見惟事之方萌而動之微處此最難見或問幾者動之微何以獨於上交下交言之曰上交要恭遜便不知不覺有箇諂底意思在裏頭下交不瀆亦是如此所謂幾者只才覺得近諂近瀆勿令如此此便是知幾個上交著些取奉之心下交便有傲慢又曰這事難如邦有道危言危行邦無道危行言遜今有一樣人其不畏者又言過於直其畏謹者又縮做一團更不敢說一句話此便是曉不得那幾若知幾則自中節無此病矣個知

微知彰知柔知剛是四件事既知微又知學蒙纂註程子曰

彰既知柔又知剛所以為民之望也學蒙纂註程子曰

二之見幾而極言知幾之道夫見事之幾微者其神妙

矣乎君子上交不至於諂下交不至於瀆者蓋知幾也

不知幾則至於過而不已交於上以恭巽故過則為諂

交於下以和易故過則為瀆君子見於幾微故不至於

過也所謂幾者始動之微也吉凶之端可見而子曰顏

未著者也獨言吉者見之於先豈復至有凶也子曰顏

氏之子其殆庶幾乎有不善未嘗不知知之未嘗復行

也易曰不遠復无祗悔元吉殆危也庶幾近意言近附

錄殆是幾乎之義又曰是近義又曰殆危是爭些子底

意思學蒙直是顏子天資好如至清之水纖芥必見

益天地絪縕萬物化醇男女構精萬物化生易曰三人

行則損一人一人行則得其友言致一也

網緼交密之狀醇謂厚而

凝也言氣化者也化生形

附錄

致一是專一之義程先生言之詳矣天地男女

都是兩箇方得專一若三箇更亂了程先生說初與二三與上四與五皆兩箇相與自說得好初二陽四五

二陰同德相比三與上應皆兩兩相與學蒙

子曰君子安其身而後動易其

心而後語定其交而後求君子修此三者故全也危以

動則民不與也懼以語則民不應也无交而求則民不

與也莫之與則傷之者至矣易曰莫益之或擊之立心

勿恒凶

此釋益上九爻義○此第五章

附錄

夫子云不學詩无以言先儒以為心平氣和則能言

易曰易其心而後語也荅劉琰子曰乾坤其易之門邪乾陽物也坤陰

物也陰陽合德而剛柔有體以體天地之撰以通神明

之德

諸卦剛柔之體皆以乾坤合德而成故曰乾坤易之門撰猶事也

附錄

乾坤易之門不是乾

坤別有易只易便是乾坤乾坤便是那兩扇門相似一扇開便一扇閉只是一箇陰陽做底如闔戶謂之坤闔

戶謂之乾淵撰是所為纂註

徐氏曰陽畫為乾陰畫為坤門猶闔戶闔戶之義一

又曰只是說他做處淵纂註闔一闔為易之門其變無窮皆二物也陰陽合德為二物交錯而相得有合剛柔有體謂成卦爻之體也天地之撰陰陽造化之迹也有形可擬故曰體體天地之撰言聖人作易皆以體法造化之事而效其至著者也神明之德陰陽健順之性也有理可推故曰通通神明之德言易書既作又以通知造化之理而極於至微者也

蔡氏曰乾坤合而後成衆卦爻之體如剛來而下柔剛上而柔下此類皆由乾坤相合而成所謂陰陽合德而體也 其稱名也雜而不越於稽其類其衰世之意邪

萬物雖多無不出於陰陽之變故卦爻之義雖雜出而不差繆然非上古淳質之時思慮所及也故以為衰世之意蓋指文王附錄而言是指卦名而言曰他後兩三與紂之時也

番說名後又舉起九卦說看來只是為卦名學蒙於稽其類是說稽攷其事類淵其衰世之意邪伏羲畫卦這般事都已有了只是未曾經歷到文王時世變不好古來未曾有底事都有了他一經歷這崎嶇萬變過來所以說出那卦辭如箕子之明夷如入于左腹獲明夷之心于出門庭此若不是經歷如何說得淵纂註徐氏曰上古之世俗朴民淳迷於吉凶之途而莫知所趨故伏羲畫卦以教之占而吉凶以明斯民由之而無

疑也。雖乾陽坤陰剛柔交錯顯而體天地之撰微而通神明之德。然剛勝則吉柔勝則凶亦未嘗費辭也。中古以來人心變詐迷謬尤甚文王周公於是繫卦爻之辭稱名辨物稽類考占以開示陰陽之義易之道雖無餘蘊而聖人憂患後世之意蓋亦有不得已焉者。故下文又申言之。

夫易彰往而察來而

微顯闡幽開而當名辨物正言斷辭則備矣。

而微顯恐當作微顯

而開而之而亦疑有誤。

附錄

問彰往察來如神以知來知以藏往相似往是已定底如天地陰陽之變

皆已見在這卦上了曰是學蒙往者如陰消陽長來者事之未來吉凶淵微顯闡幽幽者不可見便就這顯處說出來顯者便就上面尋出這不可見底教人知學蒙微顯闡幽便是顯道神德行德行顯然可見者道不可見者微顯闡幽是將道來事上看言那箇雖是粗底然皆出於道義之蘊微顯所以闡幽闡幽所以微顯只是

一箇物
事淵

其稱名也小其取類也大其旨遠其辭文其言

曲而中其事肆而隱因貳以濟民行以明失得之報

陳肆

也貳疑也○此第六章多闕纂註徐氏曰往謂陰陽消

文疑字不可盡通後皆倣此

纂註

長剛柔變化卦爻所

藏者易皆著而明之故曰彰往來謂吉凶未定事之方

來者占筮中所告可以前知故曰察來顯者微之使求

其原故曰微顯幽者闡之使見其端故曰闡幽當名謂

父子君臣之分貴賤上下之等各當其位也辨物謂乾

馬坤牛離火坎水碩果莚陸之類悉辨其似也正言謂

元亨利貞直方大之辭正其言以曉人也斷辭謂利涉

大川不利涉大川可小事不可大事之語有以決其疑

也負乘往來事名之小者也茅棘豕雉物名之小者也

所稱雖小而其所取之類皆本於陰陽非稱名也小取

類也大乎旨謂所示之理文謂經緯錯綜也極天下之

賁凡天地陰陽道德性命之奧象皆示之而其所繫之辭經緯錯綜皆有自然之文非其旨遠其辭文乎曲委曲也凡委曲其文者未必皆中乎理易則言雖曲而無不中也肆陳也凡敷陳其事者無有隱而不彰易則事雖肆而其理未嘗不隱也貳疑也報猶應也失得之報吉凶之應也因民之疑貳而決其疑以濟其所行有以明著其吉愚謂此一節上六句皆是抑揚說易書所凶之應也○戴名雖小而類則大旨雖遠而辭則文言雖曲而理則中事雖肆而理則隱易之興也其於中古正與書直而溫寬而栗等語同意

乎作易者其有憂患乎

夏商之末易道中微文王拘於羑里而繫彖辭易道復興附

錄

鄭仲履問作易者其有憂患乎如何只取九卦先生云聖人論處憂患偶然說此九卦意思自足若更添

一卦也不妨更不說一卦也不妨只就此九卦中亦自儘有道理且易中儘有處憂患底卦非謂九卦之外皆

非所以處憂患也。若以困為處憂患底卦，則屯蹇非處憂患而何？觀聖人之經，正不當如此。後世拘於象數之學，乃以為九陽數，聖人之舉九卦，是故履德之基也。謙益合此數也。尤泥而不通矣。顯子是故履德之基也。謙德之柄也。復德之本也。恒德之固也。損德之修也。益德之裕也。困德之辯也。井德之地也。巽德之制也。

履禮也。上天下

澤定分，不易必謹乎此。然後其德有以為基而立也。謙者自卑而尊人，又為禮者之所當執持而不可失者也。九卦皆反身修德以處憂患之事也。而有序焉。基所以立柄，所以持復者，心不外而善端存，恒者守不變而常且久，懲忿窒慾以修身，遷善改過以長善，困以自驗其力，井以不變其所，然後能巽順於理以制事變也。附錄履德之基只是要以踐履為本，謙德之柄只是要謙退若處患難而矯亢自高，取禍必矣。復德之本如孟

子所謂自反困德之辯其處困而通則可以辯其是困而不通則可以辯其非損是懲忿窒慾益是修德益令廣大巽德之制巽以行權巽只是低心下意要制事須是將心入那事裏去順他道理方能制事方能行權若心麤只從事皮上綽過如此權便錯了學蒙井居其所而遷又云井德之地也蓋井有定體不動然水流出去而不窮猶人心有守不動而應變於外則不窮也德之地是那不動地頭學蒙巽為資斧所以多作斷制之義蓋巽之義非順字所能盡順而能入之謂巽一陰入在二陽之下是入細直徹到底不只到皮子上者如此方斷得殺若不見得盡

纂註

徐氏曰履踐也基猶基址禮卑如地人之踐履一循

乎禮是從實地上立步步皆實則德有其基自下積累而上故曰德之基復為反善之義人非聖人不能不流於惡能於念慮之萌人所不知已所獨知之處審其幾而復於善焉是德有其本也人處困窮出處語默之

問取予辭受之際最可觀德當義則為君子違
履和而理則為小人明辨於斯所以自驗其所守也

至謙尊而光復小而辨於物恒雜而不厭損先難而後

易益長裕而不設困窮而通井居其所而遷巽稱而隱

此如書之九德禮非強世然事皆至極謙以自卑而尊
且光復陽微而不亂於羣陰恒處雜而常德不厭損欲

先難習熟則易益但充長而不造作困身困而附錄之
道亨井不動而及物巽稱物之宜而潛隱不露

為卦君臣上下各履其位而得其和者也則疑於平
易而非極至之義然各得其所而不亂是乃所以為至

也又曰履和而至以下皆是反說謙尊而光若秦人尊
君卑臣則雖尊而不光故謙則尊而又光復是一陽生

於羣陰之下如幽暗中一點白便是小而辨也復雖一
陽生然而與眾陰却不相亂人之善端方萌雖小然而

衆惡却過他不得學蒙損先難而後易不揅虎穴不得
虎子須是捨身入裏面去如搏寇讎方得之若輕可地
說得不濟事顯子如子產為政鄭人歌之曰孰殺子產
吾其與之及三年人復歌而頌之蓋事之初在我亦有
所勉強在人亦有所難堪久之當事理順人心這裏方
易便如利者義之和一般義是一箇制斷物事恰似不
和久之事得其宜乃所以為利如萬物到秋許多嚴凝
肅殺之氣似可畏然萬物到這裏若不得此氣收斂凝
結許多生意又無所成就其難者乃所以為易也憊益
長裕而不設長裕只是一事但充長自家物事教寬裕
而已困窮而通此因困卦說澤无水困君子以致命遂
志蓋此是致命遂志之時所以困彖曰險以說困而不
失其所亨其惟君子乎蓋取困而能說也井居其所而
遷井是掇不動之物然其水却流行出去利物憊井有
德而後能施以及人然其德性未嘗動故曰居其所而遷如人有

辨義又說井居其所而遷井是不可動物事水却可隨
所汲而往如道之正體却一定於此而隨事制宜自莫
不當所以說井以辨義又云井居其所而遷賀孫異稱
而隱異是箇卑異底物事如允見而異伏也自是箇隱
伏底物事蓋異一陰在下二陽在上陰初生時已自稱
量得个道理了不待顯而後見如事到面前自家便有
一箇道理處置他不待發露出來又曰稱而隱是異順
恰好底道理有隱而不能稱量者有能稱量而不能隱
伏至露形迹者皆非異之道也異德之制也異以行權
都是此意憫陳才卿問隱字何訓曰隱不見如風之動
物无物不入但見其動而不見其形權之為用亦猶是也
憫纂註徐氏曰設施為也
為以求其益也益之道當俟其涵養從容自然有得不
可萌欲速助長之心設謂有所安排布置要如何也蔡
氏曰和則不能必至而履之和則能至尊者不能必光
而謙之尊則能光微昧者不辨於物而復之小則能辨

雜者人厭之而恒之雜則不厭難者不易而損之先難則有後易之理設施為也裕則多施為而益之裕則不施窮則不通而困之窮則能通遷謂養物不窮也居其所則不遷而井之居則能遷稱輕重等也稱則形著而巽之稱則能隱此如書之履以和行謙以制禮復以自九德蓋兼體用而言也

知恒以一德損以遠害益以興利困以寡怨井以辯義

巽以行權

寡怨謂少所怨尤辯義謂安而能慮此第七章三陳九卦以明處憂患之道

附錄

禮主卑下履也是那踐履處所行若不由禮自是乖戾所以曰履以和行謙又更卑下所以節制乎禮又曰禮是自家恁地卑下謙是應物而言學蒙困以寡怨是得其處困之道故無所怨於天無所尤於人若不得其道則有所怨尤矣闕井以辯義謂安而能慮蓋守得自家心先定方能辦事之是非若自家心先不定事到面前

安能辨其義邪。問井以辯義是大小多寡所施各當如上文居其所而遷是否。曰然。必大又曰兌見而巽伏權是隱然做底物事。若顯然地做却不成行權。淵巽只柔順低心下意底意義人至行權處不少巽順如何行得。蓋卿才卿問巽以行權曰見得道理精熟後於物之精微委曲處無處不入。所以說巽以行權又曰這說在九卦之後是這八卦事了。方可以行權。錄三陳九卦初無他意觀上面其有憂患一句便見得聖人說處憂患之道聖人去這裏偶然見得有此理便就這裏說。出聖人如雲行水流初無定相不可確定。○三陳九卦自有次第第一節論九卦之德第二節論九卦之材第三節方論聖人用九卦以處憂患之道故皆以以之一字言之。亦如六十四卦大易之為書也不可遠為象必著一以字以明其用易也。易之為書也不可遠為道也。屢遷變動不居周流六虛上下無常剛柔相易不

可為典要唯變所適

遠猶忘也周流六虛謂附錄之所

言无非天地自然之理人生日用之所不能須臾離者故曰不可遠曰是學蒙易不是確定硬本子有陽居陽爻而吉底又有凶底有有應而吉底有有應而凶底是不可為典要之書這個是有許多變所以如此淵大傳說上下無常唯變所適便見得易人人可用不是死法雖道是二五是中却其間有位二五而不吉者有當位而吉亦有當位而不吉者若揚雄太玄皆非纂註蔡氏定了第幾爻吉第幾爻凶此便是死法賀孫纂註曰易之為書以下總言為書為道以起下文兩節之意變動不居至唯變所適言易道之屢遷也卦雖六位而剛柔爻畫往來如寄非實有也故以虛言揲著求卦易之變動初無定體而周流乎六虛之位或自上而降或由下而升上下無常也柔來文剛其出入以度外內使知懼分剛上而文柔剛柔相易也

此句未詳附錄問據文勢則外內使知懼合作使內外疑有脫誤

有戒懼之意易中說如此則吉如此則凶是又明於憂也既知懼則雖无師保一似臨父母相似

患與故无有師保如臨父母

雖无師保而常若父母臨之戒懼之至纂註

蔡氏曰其出入以度至如臨父母此言易書之不可遠也出謂卦爻自內往交於外入謂卦爻自外來居於內度節度也故謂憂患所以然也言易之為書其出其入皆有度不差或內或外皆使人知所恐懼而修省也憂患之來既知所處矣又推其所以然而安於所遇也雖无師保之嚴如臨父母之側易之書其可親也如此信乎其不遠也初率其辭而揆其方既有典常苟非其人道不可遠也

虛行

方道也始由辭以度其理則見其有典常矣然神而明之則存乎其人也○此第八章

附錄

既有典常是一定了占得他這纂註蔡氏曰此合書易
爻了吉凶自定這便是有典常纂註與道為言也

之為書也原始要終以為質也六爻相雜唯其時物也

質謂卦體卦必舉其始終而纂註徐氏曰此總言聖人
後成體爻則唯其時物而已作易所以立卦生爻

之義下文又逐爻分說而申明之也質謂卦體時謂六
位之時物謂陰陽二物也原其事之始要其事之終以

為一卦之體質卦有六爻剛柔錯雜隨其時其初難知
辨其物言卦雖有全體而爻亦无定用也

其上易知本末也初辭擬之卒成之終此言初纂註蔡氏

曰初爻者卦之本本則其質未明故難知上爻者卦之
末末則其質已著故易知難知則所繫之辭必擬議而

後得易知但卒其卦之辭而成其卦之終也
若夫雜物撰德辯是與非則非

其中爻不備

此謂卦中四爻

附錄

先儒解此多以為互體如屯卦震下坎上

觀之自二至四則為坤自三至五則為艮故曰非其中爻不備互體說漢儒多用之左傳中一處占得觀卦處

亦舉得分明看來此說不可廢學蒙

○愚謂物謂內外卦陰陽二物雜謂自其中四爻雜而互之又自成兩

卦之德也故謂之撰是非者當位不當位中不中正不正也內外卦既足以示人矣復自互體而辯之則是是

非非於是乎益可見焉

噫亦要存亡吉凶則居可知矣知者觀其

彖辭則思過半矣

彖統論一卦六爻之體

二與四同功而異位其

善不同二多譽四多懼近也柔之為道不利遠者其要

无咎其用柔中也

此以下論中爻同功謂皆陰位異位謂遠近不同四近君故多懼柔不利

遠而二多譽者以其柔中也

附錄

問其要无咎其用柔中也近君則當柔和遠去則當有強毅剛正之

象始得此二之所以不利然而居中所以无咎曰也是
恁地說又曰其要无咎若作去聲則是要約之義若作
平聲則是要其歸之之意又曰其要只欲无咎三與五同功而異位三多凶五

多功貴賤之等也其柔危其剛勝邪

三五同陽位而貴賤不同然以

柔居之則危唯剛則能勝之○此第九章

易之為書也廣大悉備有天道焉

有人道焉有地道焉兼三才而兩之故六六者非他也

三才之道也

三畫已具三才重之故六而以上二
久為天中二久為人下二久為地

道有

變動故曰爻爻有等故曰物物相雜故曰文文不當故

吉凶生焉

道有變動謂卦之一體等謂遠近貴賤之差相雜謂剛柔之位相間不當謂爻不當位○

此第纂註

徐氏曰卦之全體三才之道也道則變動不居如潛見躍飛之類皆道之變動而謂之爻

爻也者效天下之動也或剛或柔而小大有等故謂之物物即陰陽二物也一不獨立二則為文陰陽兩物交相錯雜故謂之文陽居陽位陰居陰位當也陽居陰位陰居陽位不當也吉凶由是而生則可以觀變玩占而見其文

之著矣易之興也其當殷之末世周之盛德邪當文王與紂之事邪是故其辭危危者使平易者使傾其道甚

大百物不廢懼以終始其要无咎此之謂易之道也

危懼

故得平安慢易則必傾覆附錄

其辭危是有危懼之意故危懼者使之平安慢

易使之傾覆易之書於萬物之理無所不具故曰百物不廢其要无咎學蒙

纂註

徐氏曰知易之道而

有所恐懼可使安平也不由其道而有所慢易必至傾覆也故曰危者使平易者使傾然非有使之也天之生物必因材而篤焉故裁者培之傾者覆之亦自然之理也夫乾天下之至健也德行

恒易以知險夫坤天下之至順也德行恒簡以知阻健至

則所行無難故易至順則所行不煩故簡然其於事皆有以知其難而不敢易以處之也是以其有憂患則健者如自高臨下而知其險順者如自下趨上而知其阻蓋雖易而知險則不陷於險矣既簡而又知阻則不因於阻矣所以能危能附錄問乾至健也至恒簡以知阻懼而無易者之傾也附錄見得乾是至健不息之物經歷艱險處多雖有險處皆不足為他之病足以進之而無難底意思否曰不然舊亦嘗如此說覺得終是硬說

易本意正要人知險而不進不說是我至健了凡有險阻只恁冒進而無難如此大非聖人作易之意觀其上文云易之興也其於中古乎至其要无咎此之謂易之道也有他此語是什麼恐懼危險不敢輕進之意乾之道便是如此卦中皆然所以多說見險而能止如需卦之類可見易之道正是要人知進退存亡之道若是冒險前進以陷於險知進而不知退知存而不知亡豈乾之道邪惟其至健而知險故止於險而不陷於險也又曰此是就人事上說又曰易之為書大槩要人謹密戒懼以免患難若恃其至健而不恤險難豈易之道邪倘順自是畏謹宜其不越夫險如健却宜其不畏險然却知險而不去蓋他當憂患之際故也又曰若長是易時更有甚麼險他便不知險矣若長是簡時更有甚麼阻他便不知阻矣只是當憂患之際方見得同上乾天下之至健更著思量看來聖人無冒險之事須是知險便不進向前去他只是不直撞向前自別有一箇路去如

舜知子之不肖則以天下授禹賀孫乾健而以易臨下
故知下之險險底意思在下坤順而以簡承上故知上
之阻阻是自家低他却高底意思自上而下來到那去
不得處便是險自下而上到那去不得處便是阻淵
頃因登山就山上得其說自上而下所見為能說諸心
險故以乾言自下而上所向為阻故以坤言

能研諸侯之慮定天下之吉凶成天下之亹亹者

侯之二字

衍說諸心者心與理會乾之事也研諸慮者理因慮審
坤之事也說諸心故有以定吉凶研諸慮故有以成亹

亹

附錄

說諸心有自然底意思故屬陽研諸慮有作為
底意思故屬陰謨說諸心只是見過了便說這

箇屬陽研諸慮是研窮到底似那安而能慮直是仔細
了這箇屬陰淵定吉凶乾也成亹亹坤也事之未定者
屬乎陽定吉凶所以為乾事之已為者屬陰成亹亹者
所以為坤謨且以做事言之吉凶未定時人自意思懶

散不肯做去吉凶定了他自勉勉做將去所以屬陰大
率陽是輕清底物事之輕清底屬陽陰是重濁底物事
之重濁底屬陰淵能說諸心能研諸慮方始能定天下
之吉凶成天下之亹亹者凡事見得通透了自是歡說
既說諸心是都理會得了於事上更審一番便是研諸
慮研是更去研磨他定天下之吉凶是割判得這事成
天下之亹亹是故變化云為吉事有祥象事知器占
做得事業學蒙是

事知來

變化云為故象事可以知器

附錄

變化者陰陽之所為云為

者人事之所作上兩句只說理如此下兩句是人就理
上知得在陰陽則為變化在人事則為云為吉事自有
祥兆惟其理如此故於變化云為則象之而知已有之
器於吉事有祥則占之而知未然之事也問器字則是
凡於有形之實事者皆為器否先生云易中器字是恁
地說又曰變化云為是明吉事有祥是幽象事知器是

人事占事知來是筮象事知器是人做這事占事知來是他方有禎祥見乎著龜之類吉事有凶事亦有淵問易書中有許多變化云為又吉事皆有休祥之應所以象事者於此而知器占事者於此而知來曰是所天

地設位聖人成能人謀鬼謀百姓與能

天地設位而聖人作易以成其

功於是人謀鬼謀雖百附錄

天地設位四句說天人合

功能人謀鬼謀則雖百姓亦可以與其能成能與能雖大小不同然亦是小小底造化之功自然百姓與能却須因著龜而方知得淵人謀鬼謀與洪範之謀及乃心謀及卜筮謀及卿士謀及庶人相似八卦以

象告爻彖以情言剛柔雜居而吉凶可見矣

象謂卦畫爻彖謂卦

辭變動以利言吉凶以情遷是故愛惡相攻而吉凶生

遠近相取而悔吝生情偽相感而利害生凡易之情近

而不相得則凶或害之悔且吝

不相得謂相惡也

附

錄

問易之情近而不相得則凶或害之悔且吝如何先生云此疑是指占法而言想古人占法今不見得蓋

遠而不相得則安能為害惟切近不相得則凶害便能相及也一箇凶人在五湖四海之內安能害自家若與

之為鄰近則有害矣又問云此如今人占大珠林課底若是凶神動與世不相關不能為害惟是克世則方能

為害否先生云恐是這一樣意思

纂註

徐氏曰易道變動開物成務以利害也而卦爻之辭有吉凶

以其情之有所遷耳愛惡相攻如訟九四不克訟復即命以與初相愛也謙六五利用侵伐上六利用行師以與九三相愛也同人九三伏戎于莽惡九五也九五大師克相遇惡三四也遠近相取如姤九五以杞包瓜上

九姤其角遠取初六也解六三負且乘近取二四也豫
六三盱豫近取九四也情偽相感如中孚九二鳴鶴在
陰以情感乎五也屯六四求婚媾往以情感乎初也蒙
六三見金夫不有躬以偽感乎二也漸九三夫征不復
婦孕不育以偽感乎四○愚謂變動即上文爻有變動
也凡此皆以情遷者也○是已以利言者爻之變動本
皆教人趨吉避凶而歸於利耳然不免吉凶殊分者由
情而遷也情有善有不善善則遷於吉不善則遷於凶
至是不能皆歸於利矣是故以下愛惡遠近情偽所謂
情也相攻相取相感遷之由也吉凶悔吝利害總名之
曰吉凶也愛惡相攻因於遠近相取遠近相取因於情
偽相感相感者情之始交利害之開端也相取者迹之
已著悔吝之途分也相攻則事之已極吉凶之不可移
也此三言皆吉凶以情遷之事凡易之情以下獨舉近
者總言之近而相取其情乃不相得此必其初之以偽
感終至於惡而相攻是以凶耳既至於凶其於害悔吝

可知矣即此一條備三者而明之大要欲人警省悔心生而吉利隨之終歸夫變動之利不墮於情遷之凶耳易之道固將叛者其辭慙中心疑者其辭枝吉人之辭如此也

寡躁人之辭多誣善之人其辭游失其守者其辭屈

卦爻

之辭亦附錄問八卦以象告至失其守其辭屈竊疑自由是也附錄吉凶可見矣而上只是總說易書所載如

此自變動以利言而下就人纂註徐氏曰叛背叛也背占時上說如何先生曰然錄纂註叛正理其中有慊則

發於辭自然慙怍也枝如木之有枝開兩岐疑者可否未決則其辭不直截成兩岐也誣善者謂謗善為惡言

語不實如物在水上浮游不定失其守者言見理不定無所操執其辭多屈而不伸也言心之聲由乎中而見乎外孟子詖淫邪遁一章意亦如此厚齋馮氏曰六辭與易全不相關恐斷簡錯見於此或曰諸如此類易各

準其情而為辭然誣善失守恐不入卦爻王介甫曰易之辭必不慙枝游屈也王介甫郭子和蓋嘗疑之不敢彊○愚謂六辭與易誠不相關意者指尚占命筮之辭通○上傳曰君子將有為也將有行也問焉而以言其受命也如響夫子於此又發其情以見命筮之際本諸中形諸外自有不可掩者神物之著顧不能前知吉凶以告之乎亦欲人謹其事而重其筮也

周易本義附錄纂註卷八

欽定四庫全書薈要卷三百八十一

經部

周易本義附錄纂註卷九

元 胡一桂 撰

文言傳

此篇申彖傳象傳之意以盡乾坤二纂註蔡氏曰卦之蘊而餘卦之說因可以例推云纂註文飾也言辭也文飾彖象之辭以盡彖象之意乾坤居衆卦之首故特詳之而餘卦之說亦可以類而推也

元者善之長也亨者嘉之會也利者義之和也貞者事

之幹也

元者生物之始天地之德莫先於此故於時為春於人則為仁而衆善之長也亨者生物之通

物至於此莫不嘉美故於時為夏於人則為禮而衆美之會也利者生物之遂物各得宜不相妨害故於時為秋於人則為義而得其分之和貞者生物之成實理具備隨在各足故於時為冬於人則為智而為衆事之幹幹木之身枝葉附録萬物之生天命流行自始至終無所依以立者也附録非此理但初生之際淳粹未散尤易見爾只如元亨利貞皆是善而元則為善之長亨利貞皆自這來仁義禮智亦皆是善而仁則為善之首義禮智皆從這出淵元者天地生物之心得之最先而兼統四者故曰元者善之長嘉美也會猶齊也嘉會衆美之會猶言齊好也春天發生萬物未大故齊到夏時洪纖高下各各暢茂蓋春方生育至此乃無一物不暢茂其在人則禮儀三百威儀三千事事物物大小小一齊到恰好處所謂動容周旋皆中禮故於時為夏於人為禮謨就亨者嘉之會觀之嘉字是實會字是虛嘉會足以合禮則嘉字却輕會字却重謨文言只說利者義

之和是掉了那利蓋是不去利上求利只義之和處便是利
是利輝利是那義裏面生出來底凡事處置得合宜利便
隨之所以云利者義之和是義便兼得和若只理會和
却是從中間半截做下去遺了上面一截義底小人
只理會後面一截君子却從頭來植以理言之義自是
箇斷制底氣象有凜然不可犯處似不和矣然實則和
蓋分別後萬物各得其所却是和若臣而僭君子而犯
父不安其分便是不義不義則不和矣孟子云未有仁
而遺其親者也未有義而後其君者也却是這意思只
是箇依本分若依本分時你得你底我得我底則自然
和而有別若上下交爭利則上下相侵相奪便是不義
不義便不和矣有開看來義之為義只是一箇宜其初
則甚嚴如男正位乎外女正位乎內直是有內外之辨
君尊於上臣卑於下尊卑大小截然不可犯似若不和
之甚然能使之各得其宜則其和也孰大於是至於天
地萬物無不得其所亦只是義之和耳此只是就義中

便有箇和謨幹猶身之有骨故版築之
栽謂之榘幹此可以識貞之理矣淵 君子體仁足以

長人嘉會足以合禮利物足以和義貞固足以幹事

仁以

為體則無一物不在所愛之中故足以長人嘉其所會
則無不合禮使物各得所利則義無不和貞固者知正
之所在而固守之所謂知而附錄仁以仁為體謂身便是
弗去者也故足以為事之幹仁也淵體仁如體物
相似人在那仁裏做箇骨子故謂之體仁仁是道理須
有這人做得他骨子比而效之之說却覺得未是節體
仁不是將仁來為我之體我之體便都是仁也憫會是
禮發見之後意思却在未發見之前嘉會未說到那禮
上然能如此則便能合禮會字說萬物一齊發見在這
裏處得盡是謂之嘉會如只一事兩事嘉美時未為嘉
會淵厚薄親疎尊卑小大相接之禮各有節文無不中
節則所會皆美所以能合於禮也錄利物使萬物各得

其所乃是義之和處義自然和不是義外別有和顯子
貞固是固得恰好如尾生之信不貞之固須固得好方
是貞人傑貞固二字與體仁嘉會利物之文不同屬比
方者便著用兩字方能盡之必大貞正也知其正之所
在固守而不去故足為事之幹幹事言事之所依以立
蓋正而能固萬物依此而立在人則是智至靈至明是
是非非確然不可移易不可欺瞞所以能立事也幹如
木之幹事如木之枝葉貞固者正而固守之貞固在事
是與立箇骨子所以為事之幹欲為事而非此貞固便
植立不起自然倒了謨元者善之長以下四句說天德
之自然君子體仁以下四句說人事之當然纂註徐氏
銖君子體仁以下倒用上面四箇字極有力纂註曰嘉
會謂嘉其所會致美於動容周旋之際而三君子行此
千三百之儀無一不中於禮故足以合禮

四德者故曰乾元亨利貞

非君子之至健無以行此故曰乾元亨利貞○此第一節

申彖傳之意與春秋傳所載穆姜之言不異疑古者已有此語穆姜稱之而夫子亦有取焉故下文別以子曰表孔子之辭蓋傳者欲附錄生是元長是亨收斂是利以明此章之為古語也

故就氣上看理也是恁地節以天道言之為元亨利貞以四時言之為春夏秋冬以人道言之為仁義禮智以氣候言之為溫涼燥濕以方言之為東西南北節以五臟言之如肝屬木木便是元心屬火火便是亨肺屬金金便是利腎屬水水便是貞道夫仁為四德之首而智則能成始而成終猶元為四德之長然元不生於元而生於貞蓋天地之化不翕聚則不能發散理固然也仁智交際之間乃萬化之機軸此理循環不窮脗合無間不貞則無以為元也錢知覺自是智之事在四德是貞字而知所以近乎仁便是四端循環處若無這知便起這仁不得淵氣無始無終是從元處說起元之前又是貞了如子時是今日子之前又是昨日之亥無空闕時

又曰乾四德元最重其次貞亦重以明始終之義非元則無以生非貞則無以終非終則無以為始不始則不能成初九曰潛龍勿用何謂也子曰龍德而隱者也不終矣

易乎世不成乎名遯世无悶不見是而无悶樂則行之憂則違之確乎其不可拔潛龍也

龍德聖人之德也在下故隱易謂變其所

守大抵乾卦六爻文言皆以聖人明之有隱顯而無淺深也

附錄確乎其不可拔非專謂退遯不改其

操憂樂行違時焉而已其守無自而可奪如富貴不淫貧賤不移之意

纂註程子曰初九

世而變晦其行不求知於時自信自樂見可而動知難而避其守堅不可奪潛龍之德也徐氏曰遯世无悶者

安土樂天也樂行憂違最說出潛龍意思初九備聖人之德從容無礙日用之間無非此道之流行意苟順適

與物無忤則不私其有庶同於人陽之舒也此樂則行之之意也少有拂逆我心不快則超然順避不失於已陰之翕也此憂則違之之意也樂行憂違雖不凝滯於物而所以立已者蓋確乎其不可拔非守道之固者能之乎此其所九二曰見龍在田利見大人何謂也子曰以為潛龍也

龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

正中不潛而未躍之時也常言亦信常行亦謹盛德之至也閑邪存其誠無數亦保之意言君德也者釋大人之為九附錄庸言庸行盛德之至到這裏不消得恁地二也附錄猶自閑邪存誠便是無數亦保言雖無厭

數亦當保也淵既處無過之地則惟在閑邪存誠而已雖曰無過然而不閑則有過矣憫夫子怕人不把九二

做大人別討一箇所以說箇君德也兩處皆如此說龍德正中以下皆君德言雖不當君位却有君德所以做

大人九三曰君子終日乾乾夕惕若厲无咎何謂也子

曰君子進德修業忠信所以進德也修辭立其誠所以

居業也知至至之可與幾也知終終之可與存義也是

故居上位而不驕在下位而不憂故乾乾因其時而惕

雖危无咎矣

忠信主於心者無一念之不誠也修辭見於事者無一言之不實也雖有忠信之心

然非修辭立誠則無以居之知至至之進德之事知終終之居業之事所以終日乾乾而夕猶惕若者以此故

也可上可下不驕不憂所謂无咎也

附錄

忠信猶言實其善之謂能實其為善之意自是佳不得德不期

進而自進猶飢之欲食自不可已學蒙因舉破釜竈燒廬舍持三日糧示士卒必死無還心如此方會廝殺忠信便是有這心如此方會進德賜忠信則無事不誠實猶木之有根其生自不能已佐本義云主於心者無一念之不誠蓋無一念不誠然後有以為進德之地若不實如捕風捉影德何由進須是表裏皆實無一毫之偽德方日新大抵以忠信為本忠信只是實若無實如何會進如播種相似須是實有種子下在泥中方會日日見發生若把箇空殼下在裏面如何會發生道理須是實見得若徒將耳聽過將口說過濟甚事忠信所以為實者且如孝須實是孝方始那孝之德一日進一日若不實却自無根了如何會進今日覺見恁地去明日便漸能熟明日方見得有一二分後日便見有三四分意思自然覺得不同賀孫忠信所以進德者欲吾之心實明是理而真好惡之若好好色而惡惡臭也修辭立誠以居業者欲吾之謹夫所發以致其實而尤先於言

語之易放而難收也。荅翠豐進德則所知所行自進不
已居業則只在此住了不去只看進字居字可見進者
日新而不已居者一定而不易學業進如日知其所亡
只管進前去居如月無忘其所能只管日日恁地做賀
孫德者得之於心者也業者乃事之就緒者也如古人
所謂業已如是也。廣言是行之表凡人所行者無不發
出來也是一件大事。淵人多因言語上便不忠信首先
是言語修辭只是言顧行行顧言之意又曰出辭氣斯
遠鄙倍是修辭立其誠意思。賀孫誠便即是忠信修省言
辭便是要立得忠信若口不擇言只管逢事便說則忠
信亦被汨沒動蕩立不住了。賀孫知至至之屬忠信進
德底意思蓋是見得在那裏如望見在那裏相似便要
到那裏所以曰可與幾也進字貼著幾字至字貼著進
字知終終之屬修辭立誠居業底意思蓋已在這裏做
硬做到那裏所以曰可與存義若是見得不去行時也
如何存得許多道理惟是見得而又能行方可以存義

也居字貼著存字終字貼著居字輝知至則知其道之所止至之乃行矣而驗其所知也知終見其道之極至終之乃力行而期至於歸宿之地也備知至知終不是言修為先後之漸只是見德業內外之別蓋心則至誠以進德身則修辭以居業又曰忠信進德修辭立誠居業工夫之條件也知至至之至可與存義工夫之功程也此一段只是說終日乾乾而已學蒙忠信進德與知至至之可與幾也這幾句都是去底字修辭立誠與知終終之可與存義都是住底字賜銖問本義云乾六爻文言皆以聖人明之但九三一爻又似說學者事曰聖人亦是如此進德亦是如此居業只是在學者則勉強而行之在聖人則自然安而行之知至知終亦然銖九三雖曰聖人之學其實通上下而言學者亦可用力聖學淵源幾無餘蘊矣忠信心也修辭事也然蘊於心者所以見於事也修於事者所以養其心也此聖人之學所以內外兩進而非判然兩事也總論九二九三爻九

二處得其中却不費力若九三則剛而不中過高而危故有乾乾之戒人傑問閑邪存誠與修辭立誠相似否曰閑邪存誠不大段用力修辭立誠大段費氣力賜謹信存誠是裏面工夫無迹忠信進德修辭居業是外面事微有迹在聖人分位皆纂註程子曰內積忠信所以進德也擇言做得自別錄纂註程子曰內積忠信所以進德也擇言

求知所至而後至之知在先故可與幾所謂始條理者智之事也知終終之力行也既知所終則力進而終之守之在後故可與存義所謂終條理者聖之事也此學之始終也又曰修辭立其誠不可不仔細理會言能修省言辭便是要立誠若只是修飾言辭為心只是為偽也修其言辭正為體當自家敬以直內義以方外之實事道之浩浩何處下手惟立誠才有可居之處有可居之處則可以修業也終日乾乾無大小事却只是忠信所以進德為實下手處修辭立其誠為實修業處

九四曰或躍在淵无咎何謂也子曰上下

无常非為邪也進退无恒非離羣也君子進德修業欲及

時也故无咎

內卦以德學言外卦以時位言進德修業九三備矣此則欲其及時而進也

附錄

此說文言六段蓋雖言德學而時位亦在其中非德學何以處時位學蒙問上下无常進退无恒非為邪枉非離羣類則其心之所處果安在哉曰隨時而變動靜不失其宜乃進德修業之實也淵君子進德修業不但為一身亦欲有為於天下賜纂註張氏曰上與進釋躍義下與退釋在淵及時而進九五曰飛龍在天利見大人何謂也子曰同聲相應

无咎義

同氣相求水流濕火就燥雲從龍風從虎聖人作而萬物

覩本乎天者親上本乎地者親下則各從其類也

作起也物

猶人也。觀釋利見之意也。本乎天者謂動物，本乎地者謂植物。物各從其類。聖人，人類之首也。故興起於上，則人皆附。錄本乎天者親上，凡動物首向上，是親乎上人。見之附錄類是也。本乎地者親下，凡植物首向下，是親乎下草木是也。禽獸首多橫，所以無智。此本康節說錄天下所患無君不患無臣，有如是君必有如是臣。雖使而今無少間也。必有出來，雲從龍，風從虎，只怕不是真箇龍虎。若是真龍虎，必生風致雲也。備文言分明是以聖人為龍，以作言飛以萬物觀解利見大上九曰亢龍人只是言天下利見夫大德之君也。道夫上九曰亢龍。

有悔何謂也？子曰：貴而无位，高而无民。賢人在下位而

无輔，是以動而有悔也。

賢人在下位，謂九五以下无輔。以上九過高，志滿不來輔助之。

也。○此第二節申象傳之意。

附錄

問王弼說：初上无陰陽，定位如何？伊川說：陰陽奇耦，豈容无也？乾

上九貴而无位需上九不當位乃爵祿之位非陰陽之位此說極好學蒙總論六爻易卦爻辭本只是各著本卦本爻之象明吉凶之占當如此爾非是就聖賢地位說道理也故乾六爻自天子以至於庶人自聖人以至於愚不肖筮或得之義皆有取但純陽之德剛健之至若以義類推之則為聖人之象而其六位之高下又有似聖人之進退故文言因潛見飛躍自然之文而以聖人之迹各明其義位有高下而德無淺深也然其本意亦甚分明未嘗過為深巧且如初九則是德已成而行未著故衆人未見其德而君子之心確然已有以自信也九二則人見其庸言庸行閑邪存誠之道又從而化之也九三則雖涉此危地而但進德修業之不已也九四則其位愈進其危益甚而亦但知循理不恤其他也九五則以天德居天位而天下莫不仰觀之上九則過極而亢不能無悔矣若以德言則愈進愈高此當為聖而不可知之地又豈有可悔邪人傑問九二說聖人

之德已備何故九三又言進德修業知至至之曰聖人只逐爻取象此不是言德學節次是言居位節次六爻皆是聖人之德只所處之位不同初爻言不易乎世不成乎名稱潛龍也已說聖人之德了只是潛而未用耳到九二却恰好其化已能及人矣蓋正是人位所以恰好到九三居下卦之上位已高了那時節無可做只得恐懼進德修業乾乾不息此便是伊周地位九四位便乖不似九二安穩此時進退不得皆不由我只聽天時了以聖人明之便是舜歷試文王三分有二湯武鳴條牧野時到上九又亢了看來人處大運中無一時閑吉凶悔吝一息不曾停如大車輪一般一恁滾將去聖人只隨他恁地去看道理如何這裏則將這道理處之那裏則將那潛龍勿用下也見龍在田時舍也言未為道理處之淳潛龍勿用下也見龍在田時舍也

終日乾乾行事也或躍在淵自試也

未遷有為飛龍在姑試其可

天上治也

居上以治下

亢龍有悔窮之災也乾元用九天下

治也

言乾元用九見與他卦不同

君道剛而能柔天下無不治矣

此第三節再申前意附錄九

天德健中便自有順用之則天下

治如下文乃見天則便是天德砥潛龍勿用陽氣潛藏

見龍在田天下文明

雖不在上位然天下已被其化

終日乾乾與時偕

行

時當然也

或躍在淵乾道乃革

離下而上變革之時

飛龍在天乃位

乎天德

天德即天位也蓋惟有是德乃宜居是位故以明之

亢龍有悔與時偕極

乾元用九乃見天則

剛而能柔天之法也此第四節又申前意

乾元者始

而亨者也

始則必亨理勢然也

利貞者性情也

收斂歸藏乃附錄見性情之實

始而亨是生出去利貞是收斂了方見性情所以言元亨誠之通利貞誠之復砥性情是乾元之性情始而亨時是乾之發用處共是一箇性情到了那利貞處一箇有一箇性情百穀草木皆有箇性情了元亨方是他開花結子時到利貞時方見得他底性情就這上看乾之性情便見得這是箇誠之復處淵人只到秋冬疑若不見生意不知都已收斂在內必大如樹上開一花結一子未到利貞處尚是運下面氣去蔭他及到利貞處自不用慊乾始能以美利利天下不言所利大矣哉

始者元而亨也

利天下者利也不言所利者貞附錄不言所利明道云也或曰坤利牝馬則言所利矣附錄不有其功常久而

不已者乾也淵乾則無所不利坤纂註程子曰乾始之則只利牝馬之貞則有所不利矣道能使庶類生

成天下蒙其美利而不言所利者蓋無所不利非可指名也故贊其利之大曰大矣哉蔡氏曰不言所利此所

以為大也如言利建侯大哉乾乎剛健中正純粹精也
利涉大川則言所利矣大哉乾乎剛健中正純粹精也
剛以體言健兼用言中者其行無過不及正者其立不
偏四者乾之德也純者不雜於陰柔粹者不雜於邪惡
蓋剛健中正之至極而精者又純粹之至極也或疑乾
剛無柔不得言中正者不然也天地之間本一氣之流
行而有動靜耳以其流行之體統而言則但謂之乾而
無所不包矣以其動靜分之然後有陰陽剛柔之別也
附錄大哉乾乎陽氣方流行固已包了全體陰便在這
裏了所以說剛健中正然不可道這裏却夾雜些
陰柔所以却說純粹精淵剛健中正為其嫌於不中正
所以說箇中正陽剛自是全體豈得不中正這因近日
趙善譽者著一件易說道只乾坤二卦便偏了乾只是
剛底一邊坤只是柔底一邊某說與他道聖人做一部
易如何却將兩箇偏底物事放在劈頭如何不討箇渾
淪底放在那裏本義中便是破他說淵大哉乾元萬物

資始乾道變化各正性命只乾便是氣之統體物之所
資始物之所正性命豈非無所不包但自其氣之動而
言則為陽自其氣之靜而言則為陰所六爻發揮旁通
以陽常兼陰陰不得兼陽皆此意也

情也

旁通猶纂註

蔡氏曰剛則不屈健則不息中則無
過不及正則不偏不倚純粹精則不

雜數德無一之不備者惟九五當之兼用六爻
以發揮其義者欲旁通以盡夫事物之情耳

時乘六

龍以御天也雲行雨施天下平也

言聖人時乘六龍以
御天則如天之雲行

雨施而天下平也○此
第五節復申首章之意

君子以成德為行日可見之行

也潛之為言也隱而未見行而未成是以君子弗用也

成德已成之德也初九固
成德但其行未可見耳

附錄

問行而未成曰只是事
業未就又問乾六爻皆

聖人事安得有未成曰雖是聖人畢竟初九行而未成問此只論事業不論德否曰且如伊尹居有莘之時便是行而未成文蔚○者而言初九德成行立固自可以見之行

事矣但其時位方當潛隱故其德行雖可見之行而時位未能成其所行也是以爻辭以勿用言之君子

學以聚之問以辨之寬以居之仁以行之易曰見龍在

田利見大人君德也

蓋由四者以成大人之德再言附君德以深明九二之為大人也

錡學以聚之問以辨之既探討得是當且放頓寬

大田地待觸類自然有會合處故曰寬以居之纂註

徐氏曰德者人所得於天之理雖我之所固有然亦未嘗不散在事事物物之間苟不務學則無以會聚衆理而有諸已也學而弗問亦無以辨別衆理使之條件不紊而精粗本末或不知所擇也學聚矣問辨矣必有涵

養寬裕之意自莫匪從容中道之妙故橫渠張子曰心大則百物皆通心小則百物皆病必寬以居之則吾之所以學聚問辨者常見其與心為一矣然仁者心之全德生生而不窮也德至於仁與天同運無一息間斷則吾之所居者固非徒大而無實亦非固守而不化者也此仁以行之乃學問之極功君子之成德龍德正中所以為九二九三重剛而不中上不在天下不在田故乾之大人歟

乾因其時而惕雖危无咎矣

重剛謂陽爻陽位

纂註

蔡氏曰天五也田二

也上未至乎五下已離乎二進德修業乾乾行事因其時而惕則雖危而可无咎矣九四重剛而

不中上不在天下不在田中不在人故或之或之者疑

之也故无咎

九四非重剛重字疑衍在人謂三或者隨時而未定也

附錄

九四中不在人

則其進而至乎九五之位亦無嫌矣但君子本非有此心故云或躍而文言又以非為邪也等語釋之荅方士

緣

纂註

蔡氏曰重剛謂重乾也以六爻之卦言之則三

四非中 夫大人者與天地合其德與日月合其明與四時

合其序與鬼神合其吉凶先天而天弗違後天而奉天

時天且弗違而況於人乎況於鬼神乎

大人即釋爻辭所利見之大人

也有是德而當其位乃可當之人與天地鬼神本無二理特蔽於有我之私是以梏於形體而不能相通大人無私以道為體曾何彼此先後之可言哉先天不違謂意之所為默與道契後天奉時謂知理如是奉而行之回紇謂郭子儀曰卜者言此行當見一大人而還其占盖與此合若子儀者雖未及乎夫子之所論然其至公

無我亦可謂當附錄問聖人與天為一安有先後之殊時之大人矣

先後相應不差毫釐時舉先天後天乃是左右參贊之意如左傳云實先後之意思却在中間正合天運不差

毫釐所謂啐啄同時也與欽夫謨問胡文定公云舜先天而天弗違志壹則動氣也孔子後天而奉天時氣壹

則動志也如何曰先天而天弗違者舜先作韶樂而鳳凰來儀後天而奉天時者孔子因獲麟而作春秋志壹

動氣氣壹動志皆借孟子之言而形容天地感格之意謨天地只以形言先天而天弗違者如禮雖先王未之

有而可以義起之類蓋雖天所未為而吾意之所為自與道契天亦不能違也後天而奉天時如天叙有典天

秩有禮之類雖天之所已為而理之所在吾亦奉而行之耳蓋大人無私以道為體此一節是釋大人之德錄

纂註

程子曰大人與天地日月四時鬼神合者合乎道也天地者道也鬼神者造化之迹也聖人先於天

而天同之後於天而能順天者合於道而已合於道則人與鬼神豈能違也張子曰鬼神者二氣之良能也○

按朱子曰將天地對日月四時鬼神說便只是愚謂指形而下者言傳曰天地者道也其未敢道是○天地

日月四時鬼神者以形氣言也而其所以為德明亢之序吉凶者以道言也大人之與合亦合其道而已

為言也知進而不知退知存而不知亡知得而不知喪

所以動而其唯聖人乎知進退存亡而不失其正者其有悔也

唯聖人乎知其理勢如是而處之以道則不至於有悔矣固非計私以避害者也再言其唯聖人乎

始若設問而卒自應之也○此第六節復申第二第三第四節之意

坤至柔而動也剛至靜而德方剛方釋牝馬之貞附錄也方謂生物有常

坤只是承天如一氣之施坤則盡能發生承載非剛則安能如此個問程傳云坤道至柔而動則剛坤體至靜而德則方柔與剛相反靜與方疑相似何也曰靜無形方有體方謂生物有常言其德方正一定確然不易而生物有常也靜言其體則不可得見方言其德則是甚著也錄問坤之德恐似此處順只是順理不是柔順之順曰也是柔順只是他都有力乾行健固是有力坤雖柔順亦是決然恁地順不是柔弱放倒了所以聖人亦說坤至柔而動也剛

纂註

徐氏曰柔剛釋牝馬靜方釋貞後得主而有

至靜而德方道夫

常

程傳曰主下當有利字

纂註

徐氏曰後得主而有常再釋利義謂處後順乾則得其道而主利可

以常

久也含萬物而化光

復明亨義

纂註

徐氏曰即含坤道其順弘光大之謂

乎承天而時行

復明順承天之義○此以上申彖傳之意

附錄

坤未有乾行而此說

且如乾施物坤不應則不能生物既會生物便積善之是動若不是他健後如何配乾只是健得來順積善之

家必有餘慶積不善之家必有餘殃臣弑其君子弑其

父非一朝一夕之故其所由來者漸矣由辯之不早辯

也易曰履霜堅冰至蓋言順也

古字順慎通用按此當作慎言當辯之於微也

附錄

陰陽皆自微至著不是陰便積著陽便合下具足此處亦不說這箇意履霜堅冰只是說那微時便

須著慎來所以說蓋言慎也由辯之不早辯李光祖云不早辯他直到得郎當了却方辯刻地激成事來此說

最好纂註

程子曰天下之事未有不積而成家之所積者善則福慶及於子孫所積不善則災殃

流於後世其大至於弑逆之禍皆因積累而至非朝夕所能成也明者則知漸不可長小積成大辯之於早不

使順長故天下之惡無由而成乃知霜冰之戒也霜而至於冰小惡而至於大皆事勢之順長也石氏曰孔子言積善之家必有余慶勸忠臣孝子也積不善之家必有余殃懼亂臣賊子也庶乎為臣子者希福而為善懼禍而不敢為惡此聖人之心也臣弑其君以下罪君父也言狎比小人必有弑逆之禍積謂從微至著凡大惡非一朝一夕卒暴而成若君父一見其不善必即去直之則不至成惡由辯之不早至於弑逆君父之罪也直

其正也方其義也君子敬以直內義以方外敬義立而

德不孤直方大不習无不利則不疑其所行也

此以學言之也

正謂本體義謂裁制敬則本體之守也直內方外程傳備矣不孤言大也疑故習而後利不疑則何假於習

附錄敬以直內是持守工夫義以方外是講學工夫升

然徹上徹下表裏如一義以方外是見得是處決定是
恁地截然方方正正賀孫方外之方謂有義以處之事
皆合宜移易不得如物之方截然不可動若圓物則可
運而轉也必大端莊嚴肅則敬便存須是將敬來做本
領涵養得貫通時纔敬以直內便義以方外義便有敬
敬便有義淵主敬為為學之要固是然平日工夫不可
全靠箇敬字不理會義惟集義以驅利欲之蔽則於敬
益有助工夫不可偏廢精粗本末融液貫通乃善學耳
荅吳昶敬義二者相濟則無失大雅孤猶偏也敬義既
立則德不偏孤不孤言德盛又曰不孤正是發明大字
意思謂德盛者得之矣易中所說與論語不同德盛達
原者易之說也善以類應者論語之說也荅方誼總論
六二爻辭六二文聖人本意謂人占得此文者若直方
大則不習自无不利夫子遂從而解之將敬字解直字
將義字解方字德不孤解大字敬而無義則做出事來
必錯了只義而無敬則無本何以為義皆是孤也須是

敬義立方不孤以之事君則忠於君以之事親則說於親以之交朋友則信於朋友自然不習而無不利矣蓋通論乾九二爻文言問乾之九二是聖人之德坤之六二是賢人之德如何曰只為九二是見成底不待修為自庸言之信至德博而化此即聖人之德也坤六二直方大不習无不利須是敬以直內義以方外如此方能德不孤方即是大耳此是自直與方以至於大修為之序如此是賢人之德也有開通論乾九三文言坤只說得持守一邊事如乾九三言忠信所以進德修辭立誠所以居業便連致知持守都說了坤從首至尾皆去那一箇頭如云後得主而有常或從王事无成有終皆是無頭文蔚曰此見聖人賢人之分不同處曰然文蔚忠信所以進德是乾健工夫蓋是剛健純粹兢兢業業日進而自不已如活龍然精采氣馥自有不可及者直內方外是坤順工夫蓋是固執持守依文按本底做將去所以為學者事也人傑忠信進德是健底意思是硬立

脚做去敬以直內是順底意思是恁地收斂做去寓乾卦正從知處說坤卦只從守處說乾卦分明是先見得這箇透徹便一直做將去如忠信所以進德幾句却是徑前做去有勇猛嚴厲斬截剛果之意坤卦未到這地位敬以直內義以方外未免謹貼把捉有箇持守底意思在砥問修辭恐是顏子非禮勿言之類敬義如仲弓問仁之類修辭等處如剛健進前一刀兩斷工夫故屬陽而曰乾道敬義夾持是退步收斂確實靜定工夫故屬陰而曰坤道不知可纂註程子曰君子主敬以直其如此看否曰極是銖

內直義形而外方義形於外非在外也敬義既立其德盛矣不期大而大矣德不孤也無所用而不周無所施而不利孰為疑乎○按朱子釋之曰敬立而內自直義形而外自方若欲以敬要去直內以義要去方外則非矣又曰義形而外方義自心頭斷事底陰雖有美舍之心斷於內而外便方正萬物各得其宜

以從王事弗敢成也地道也妻道也臣道也地道无成

而代有終也纂註

丘行可曰美陽也六三陰中有陽故曰有美釋章義

愚謂美三象舍

六象弗敢成謂弗敢專成也

天地變化草木蕃天地閉賢人隱易曰

括囊无咎无譽盖言慎也附錄

草木蕃如說草木暢茂人傑

纂註

程子

曰充廣得去則天地變化草木蕃充廣不去則天地閉賢人隱○按仁父問此意如何朱子曰已所不欲勿施

於人只管充廣將去則萬物只管各得其所若充之於一家則一家得其所充之於一鄉則一鄉得其所充之

於天下則天下得其所如何不天地變化草木蕃若充廣不去則出門便有礙又曰推已及物推得去則物我

貫通自有箇生生無窮底意思便有天地變化草木蕃氣象天地只是這般道理若推不去物我隔絕欲利於

已不利於人欲已之富欲人之貧欲已之壽欲人之夭似這氣象全然閉塞隔絕了便似天地閉賢人隱君

子黃中通理

黃中言中德在內釋黃字之義也

正位居體

雖在尊位而居下體釋裳

字之美在其中而暢於四支發於事業美之至也美在其中

復釋黃中暢於附錄

通論三五天地之間萬物粲然而四支復釋居體陳者皆陰麗於陽其美外見者也

六三六五皆以陰居陽故三則曰陰雖有美而五則曰美在其中然三方進而位不中者也故陰雖有美而尚

含之五正位而居體者也故美在其中而發於事業人臣事業之著於世固自有時殆不可挾才能而躡進以

取三五同功纂註

徐氏曰黃中中德在內通理文無不嫌迫之禍也通言柔順之德蘊乎內而至盛也釋

黃義正位當在中之位居體居下體而不僭言柔順之德形於外而得當也釋裳義黃中通理則美在其中而

暢於四支正位居體則可發於事業二五皆中二內卦之中其發於外者不疑其所行而已五外卦之中其施於外者有事業之可觀坤道之美至此極矣故曰美之至也嘗謂黃中通理四字當玩涵養不熟操守不固天理有一毫之未純人欲有一毫之未去未得為黃中也涵養熟矣操守固矣天理全而人欲去矣然條理未達脉絡未貫則是蘊於內者雖有中和渾厚之美而無融暢貫通之妙未得為通理也必黃中而通理暢於四支發於事業而後為美之至孟子曰充實而有光輝之謂大大而化之之謂聖亦此意也丹家亦取此義魏伯陽參同契曰黃中漸通理潤澤達肌膚但作用不同此為義理存養皆天公諸人也彼為血氣保固由人私諸已也學者又不陰疑於陽必戰為其嫌於无陽也故稱龍可以不辨

焉猶未離其類也故稱血焉夫玄黃者天地之雜也天

玄而地黃

疑謂均敵而無小大之差也坤雖無陽然陽未嘗無也血陰屬蓋氣陽而血陰也玄黃者

天地之正色言陰陽皆傷纂註蔡氏曰十月為純坤之也○此以上申象傳之意纂註月六爻皆陰然生生之理無頃刻而息一陽雖生於子而實始於亥十月之陽特未成爻耳聖人為其純陰而或嫌於無陽也故稱龍以明之古人謂十月為陽月者蓋出此

周易本義附錄纂註卷九

欽定四庫全書薈要卷三百八十二

經部

周易本義附錄纂註卷十

元 胡一桂 撰

說卦傳

昔者聖人之作易也幽贊於神明而生蓍

幽贊神明猶言贊化育龜

筮傳曰天下和平王道得而蓍莖長丈其叢生滿百莖

附錄

蓍便是大衍之數五十能贊化育和氣充

塞所以生出

參天兩地而倚數

天圓地方圓者一而圍三三各一奇故參天而

為三方者一而圍四四合二偶故兩地而為二數皆倚此而起故揲蓍三變之末其餘三奇則三三而九三偶

則三二而六兩二一三則為八

附錄

問參天兩地舊說以為

知其說如何曰如此却不是倚數參天者參之以三兩地者

又曰這却是積數不是倚數參天者參之以三兩地者

兩之以二也以方圓而言參兩如天之圓徑一則以圍

三而參之地之方徑一則以圍四而兩之否曰是道夫

天一而圍三地一而圍四然天全用而地半用如參天

為三而兩地為二也銖天圓得數之三地方得數之四

又曰一箇天參之而為三一箇地兩之而為二三為七

九三二為六兩其三一一其二為八兩其二一一其三為七

高參天兩地而倚數此在揲著上說三者元是箇三數

底物事自家從而三之兩者元是箇兩底物事自家從

而兩之雖然却只是說得箇三兩在未見得成何數倚

數云者似把幾件物事挨放這裏且如先得箇三再得

箇三只成六又得箇三方成九若得

箇二却成八恁地倚得數出來淵

觀變於陰陽而立

卦發揮於剛柔而生爻附錄

問陰陽剛柔一也而別言之何也曰觀變於陰陽近

於造化而言發揮剛柔近於人事而言且如泰卦以卦言之只見得小往大來陰陽消長之意爻裏面便有包

荒之類道夫分奇偶便是畫積畫便成卦卦中看畫便是爻學蒙問既有卦則有爻矣先言卦而後言爻何也

曰自作易而言之則有爻而後有卦此却是以後人觀易而言方其立卦時只見得是卦及細別之則有六爻

道纂註蔡氏曰陰陽七八九六也觀七八九六之變則卦可得而立矣陰陽之變即所以為爻復言發

揮剛柔而生爻者蓋未入用則謂之陰陽已入用則謂之剛柔也

義窮理盡性以至於命和順從容無所乖逆統言之也理謂隨事得其條理析言之也

窮天下之理盡人物之性而合於天道附錄問和順道此聖人作易之極功也○此第一章

義是就聖人上說是就易上說曰是說易又問和順是聖人和順否曰是易之和順道德而理於義如吉凶消長之道順而無逆是和順道德也理於義則又極其細而言隨事各得其宜之謂也學蒙和順道德而理於義是統說底窮理盡性至命是分說底上一句是離合言之下一句以淺深言之淵和順道德是默契本原處理於義是應變合宜處物物皆有理須一一推窮性則是理之極處故云盡命則性之所自來處故云至答許昇窮理是理會得道理窮盡盡性是做到盡處如能事父然後盡仁之性能事君然後盡義之性閔祖窮理是知盡性是行如為子知所以為孝為臣知所以為忠此窮理也為子能孝為臣能忠此盡性也能窮其理而擴充其性之所有方謂之盡以至於命是拖腳說得於天者蓋性是我之所至者命是天之所以與我者也昔嘗與人論舜事舜盡事親之道至天下之為父子者定知此者窮理者也能此者盡性者也必大窮理盡性至命本

是就易上說易上皆說物理便是窮理盡性即此便是至命也。淳互論上傳窮理是知上說盡性是仁上說言能造其極也。至於範圍天地。昔者聖人之作易也將以是至命事言與造化一般淵。

順性命之理是以立天之道曰陰與陽立地之道曰柔

與剛立人之道曰仁與義兼三才而兩之故易六畫而

成卦分陰分陽迭用柔剛故易六位而成章

兼三材而兩之總言

六畫又細分之則陰陽之位間

附錄

昔者聖人之作易將以順性命之理

聖人作易只是要發揮性命之理摹寫那箇物事下文所說陰陽剛柔仁義便是性中有這箇物事。問道理也。陰陽氣也。何故以陰陽為道曰形而上者謂之道形而下者謂之器。明道以為須著如此說然器亦道道亦

器也道未嘗離乎器道只是器之理如這交椅是器可坐便是交椅之理如這人身是器語言動作便是人之理理只在器上所以一陰一陽之謂道溥問陰陽以氣言剛柔則有形質可見矣至仁與義則又合氣與形而理具焉然亦一而已矣蓋陰陽者陽中之陰陽柔剛者陰中之陰陽也仁義者陰陽合氣剛柔成質而是理始為人道之極也然仁為陽剛義為陰柔仁主發生義主收斂故其分屬如此或謂揚子雲說君子於仁也柔於義也剛蓋取其相濟而相為用之意曰仁體剛而用柔義體柔而用剛錄陰陽剛柔仁義看來當曰義與仁當以仁對陽仁若不是陽剛如何做得許多造化義雖剛却主於收斂仁却主發舒這也是陽中之陰陰中之陽互藏其根之意且如今人用賞罰到賜與人自是無疑便做將去若是刑殺時便遲義屬陰柔機仲却說義是剛底物合屬陽仁是柔底物合屬陰殊不知舒暢發達便是那剛底意思收斂藏縮便是那柔底意思又云以

氣之呼吸言之則呼為陽吸為陰便是收斂底意卿
飲酒義云溫厚之氣盛於東南此天地之仁氣也嚴凝
之氣盛於西北此天地之義氣也備蓋嘗論之陽主進
而陰主退陽主息而陰主消進而息者其氣強退而消
者其氣弱此陰陽之所以為柔剛也陽剛溫厚居東南
主春夏而以作長為事陰柔嚴凝居西北主秋冬而以
斂藏為事作長為生斂藏為殺此剛柔之所以為仁義
也以此觀之則陰陽剛柔仁義之位豈不曉然而揚子
雲之所謂於仁也柔於義也剛者乃自其用處之末流
言之蓋亦所謂陽中之陰陰中之陽固不妨自為一義
但不可以雜乎此而論之耳荅來樞仁義禮知既知得
界限分曉又須知四者之中仁義是箇對立底關鍵蓋
仁仁也而禮則仁之著義義也而知則義之藏春夏秋
冬雖為四時然春夏皆陽之屬也秋冬皆陰之屬也故
曰立天之道曰陰與陽立地之道曰柔與剛立人之道
曰仁與義是知天地之道不兩則不能以立故端雖有

四而立之者則兩耳填問兼三才如何分曰以一卦言之上兩畫是天中兩畫是人下兩畫是地初剛而二柔三仁而四義五陽而上陰兩卦各自看則上與三為天五與二為人四與初為地問以八卦言之則九三者天之陽六三者天之陰九二者人之仁六二者人之義初九者地之剛初六者地之柔不知是否曰恁地看也得如上是天是地之陰三便是天是地之陽五便是人之仁二便是人之義四便是地之柔初是地之剛道夫天下道理只是一箇包兩箇五行五箇便是十箇甲乙便是兩箇木丙丁便是兩箇火戊己便是兩箇土金水亦然所謂兼三才而兩之便都天地定位山澤通氣雷風相薄水火不

相射八卦相錯

邵子曰此伏羲八卦之位乾南坤北離東坎西兌居東南震居東北巽居西南

艮居西北於是八卦相交而成六十四卦所謂先天之學也

附錄

問山澤通氣只為兩卦相對所以氣

通曰澤氣升於山為雲為雨是山通澤之氣山之泉脉
流於澤為泉為水是澤通山之氣道夫山澤通氣水火
不相射山澤一高一下而水脉相為灌輸也水火下然
上沸而不相滅息也問問水火不相射或音石或音亦
孰是曰音石水火與雷風山澤不相類本是相克底物
事今却相應而不相害問若以不相厭射而言則與上
文相類如何曰不相射乃下文不相悖之意不相悖乃
不相害也水火本相害之物便如未濟之水火亦是中
間有物隔之若無物隔之則相害矣此乃以其不相害
而明其相應也道夫問八卦相錯曰乾坤自是箇不動
底物事動是陰陽如一陰對一陽一陽對一陰六十四
卦圓轉皆如此相錯輝總論一章說卦天地定位一章
先天圖乾一兌二離三震四巽五坎六艮七坤八之序
皆本於此若自八卦之上又放此而生之至六畫則八
卦相重而成六十四卦矣六十四卦之上又放此而生
之至十二畫則六十四卦相重而成四千九十六卦矣

焦貢易林是數往者順知來者逆是故易逆數也

起震而歷

離兌以至於乾數已生之卦也自巽而歷坎艮以至於

坤推未生之卦也易之生卦則以乾兌離震巽坎艮坤

為次故皆逆數附錄數往者順這一段是從卦氣上雷

也○此第三章附錄看來也是從卦畫生處看來淵

以動之風以散之雨以潤之日以晷之艮以止之兌以

說之乾以君之坤以藏之

此卦位相對與上章附錄雷以

四句取象義多故以象言艮以止章同○此第四章附錄動之

之四句取卦義多故以卦言學蒙纂註蔡氏曰動則物

者言生物之功也潤則物滋晷則物舒二者言長物之

功也止則物成說則物遂二者言收物之功也君則物

有所歸藏則物有所息二者言藏物之功也又曰此章

卦位相對與上章同而上章則言卦象自相為用此章

則言八卦造物流行有生長收藏之事也帝出乎震齊乎巽相見乎離致役

乎坤說言乎兌戰乎乾勞乎坎成言乎艮

帝者天之主宰邵子曰此

卦位乃文王所定

附錄

帝出乎震萬物發生便是他主

所謂後天之學也

附錄 帝從這裏出問戰乎乾曰是箇

庸殺收成底時節故曰戰勞乎坎恐是萬物有所歸有

箇勞徠安定他之義又曰似乎慰勞之意言萬物皆歸

藏於此用慰勞他並道夫潘時舉問據下文萬物之

所歸也故曰勞乎坎意勞字當作去聲曰恐如此

纂

註蔡氏曰帝者以主宰乎物為言也出者發露之謂震

居東方於時為春齊者畢達之謂巽居東南於時為

春夏之交也相見物形明盛皆相見也離居南方於時

為夏致猶委也委役於萬物無不養也坤居西南於時

為秋夏之交也說言者物形至此充足而說也兌居西

方於時為秋戰者陽氣始萌陰凝而戰也乾居西北於

時為秋冬之交也勞者陽方既乎戰故勞坎居北方於
時為冬成言者陽氣至此物之所成終而成始也艮居
東北於時為○愚謂自巽至兌皆陰卦忽與乾萬物出
冬春之交也○遇陰疑於陽必戰故曰戰乎乾萬物出

乎震震東方也齊乎巽巽東南也齊也者言萬物之潔
齊也離也者明也萬物皆相見南方之卦也聖人南面
而聽天下嚮明而治蓋取諸此也坤也者地也萬物皆
致養焉故曰致役乎坤兌正秋也萬物之所說也故曰
說言乎兌戰乎乾乾西北之卦也言陰陽相薄也坎者
水也正北方之卦也勞卦也萬物之所歸也故曰勞乎

坎艮東北之卦也萬物之所成終而所成始也故曰成

言乎艮

此上言帝此言萬物之隨帝以出入也。此第五章所推卦位之說多未詳者。

附錄離

虛明可以為南方之卦道夫乾陽也乃居西北故曰陰陽相薄道夫論文王八卦帝出乎震與萬物出乎震這兩段說文王卦問何以知為文王卦曰邵子說如此道夫論義文卦位問仔細看此數段前兩段第三第四章說伏羲卦位後兩段自帝出乎震以下說文王卦位自神也者妙萬物而為言下有兩段共第六章前一段乃文王卦位後一段乃伏羲底恐夫子之意以為伏羲文王所定方位不同如此然生育萬物既如文王所次則其方位非如伏羲所定亦不能變化既成萬物無伏羲底則做文王底不出竊恐文義如此說較分明曰如是則其歸却在伏羲上恁地說也好但後兩段第六章却除了乾坤何也答曰竊恐著一句神也者妙萬物而為

言引起則乾坤在其中矣曰恐是如此並道夫

纂註

蔡氏曰帝之出入不可見而為物者可見故又以物

言焉氣無物不行物無氣不生然氣之生也有漸不能遽遍乎物自帝出乎震至成言乎艮一氣流行之漸生成之功也震巽離乾坎艮皆以方言兌以時言坤以地言所以然者夫子欲備三者之義互言之耳是雖有三又足以見其未嘗相離之義也徐氏曰坎離天地之大用也得乾坤之中氣故離大居南坎水居北也震動也物生之初也故居東兌說也物成之後也故居西此四者各居正位也震屬木巽亦屬木震陽木也巽陰木也故巽居東南巳之位也兌屬金乾亦屬金兌陰金也乾陽金也故乾居西北亥之方也坤艮皆土也坤陰土艮陽土坤居西南艮居東北者所以均旺乎四時也此四者分居四隅也後天八卦以震巽離坤兌乾坎艮為次者震巽屬木木生火故離次之離火生土故坤次之坤土生金故兌乾次之金生水故坎次之水非土亦不能以

生木故艮次之水土又生木木又生火八卦之用。愚
五行之生循環無窮此所以為造化流行之序也。謂

邵子以此兩段屬之文王八卦意其本之文王卦辭坤
西南得朋東北喪朋正此兩段之方位也。蹇解卦辭亦

然神也者妙萬物而為言者也。動萬物者莫疾乎雷撓

萬物者莫疾乎風燥萬物者莫熯乎火說萬物者莫說

乎澤潤萬物者莫潤乎水終萬物始萬物者莫盛乎艮

故水火相逮雷風不相悖山澤通氣然後能變化既成

萬物也。此去乾坤而專言六子以見神之所為然其附
位序亦用上章之說未詳其義。○此第六章附

錄此兩段却除了乾坤著一句神也者妙萬物而為言
引起則乾坤在其中矣且如雷風水火山澤自不可

便喚做神神者乃其所以動所以撓者是也道夫水火不相逮一段又似與上面水火不相射同義又自是伏羲卦竊謂上言六子用文王八卦之位者以六子之主時成用而言故以四時為序而用文王後天之序下言六子用伏羲八卦之位者推六子之所以主時成用而言故以陰陽交合為義而用伏羲八卦之序蓋陰陽各以其偶合而六子之用行所以能變化盡成萬物也文王八卦則兌震以長男而合少女艮巽以長女而合少男皆非其偶故自動萬物者莫疾乎雷至終萬物始萬物者莫盛乎艮皆別言六子之用故以四時之次言之而用文王八卦之序下則推其所以成用於陰陽各得其偶故用伏羲八卦若上用伏羲卦次則四時失其序下用文王八卦則兌震艮巽皆非其偶矣伏羲卦序與今卦序不同不知孔子創為之而作序卦抑自文王周公繫辭之後已更伏羲之序如纂註徐氏曰伏羲八此而孔子特以序卦明義邪錄

對待之體而言文王八卦方位主造化流行之用而言對待非流行則不能變化流行非對待則不能自行

乾健也坤順也震動也巽入也坎陷也離麗也艮止也

允說也

此言八卦之性附錄八卦謂之性者言其本性情○此第七章如此謂之情者言其發用

亦如此淵萬物之情盡於八卦而震巽坎離艮又總於乾坤曰動曰陷曰止皆健底意思曰麗曰說曰入皆順底意思聖人下此八字極狀得八卦性情盡必大伏羲八卦只此數畫該盡天下萬物之理陽在下為震震動也在上為艮艮止也陽爻在下自動在上自止廣纂註坤純陰柔故順震坎艮在下自動在上自止廣陽爻在下自動在上自止剛為陽生乎二陰之下則剛而進故動在二陰之中則剛為陰所溺故陷出二陰之上雖剛則亦無所往矣故止巽離兌陰卦陰成乎二陽之下以順而伏故入在二陽之中以順而附故麗在二陽之上以順而見故說

○愚謂自第七章至篇末
皆言先天對待之易

乾為馬坤為牛震為龍巽為

雞坎為豕離為雉艮為狗兌為羊

○遠取諸物如此
此第八章

附錄

乾為馬而乾之象却說龍恪說象牽合不得如坤為牛
遍求諸卦必要尋箇牛或以一體取或以一爻取如坤
牛不可見便於離一畫是牛顯子取象亦有來歷不是
假說譬喻但今以說卦求之多所不通故不得已而闕
之或且從先儒之說耳可學易象也須有此理但恁地
零零碎碎去牽合附會得來不濟事須是見一箇大原
許多名物件數皆貫纂註蔡氏曰馬善行而健牛能載
通在裏面方是顯子纂註而順龍變而動雞知時而伏
豕內剛雉外文明狗外剛內柔羊
○愚嘗妄論夫子於
內很外說此以八卦取諸物也
八卦取象有括文
王周公豕爻之例者有自括大象之例者又有於說卦
別取者如上章天地山澤雷風水火是括大象之例如

此章乾馬兌羊巽雞離雞是括周公爻例周公於大畜乾爻稱馬大壯似兌稱羊中孚巽爻稱雞睽互坎卦稱豕至若坤牛震龍艮狗實夫子於說卦又有所取而前聖未有其例者也下章皆然數聖人取象本各不同如必欲執彖爻之象盡求合於說卦則多不通矣嘗作易象圖并說附於五贊後庶幾於數聖人取象各有所得不至滯而乾為首坤為腹震為足巽為股坎為耳離為不通也

目艮為手兌為口

○近取諸身如此此第九章

附錄

問艮何以為手曰手去捉定那

物便是纂註

蔡氏曰首實而居上腹虛而容物足居下艮義剛善動股居下而善隨耳以陽在內而聰

目以陽在外而明手在上而能說

○愚謂夫子於此章取象坤為腹與明夷六四同巽為

股與咸九三互體同兌為口與乾天也故稱乎父坤地咸上六輔頰舌同外餘皆自取

也故稱乎母震一索而得男故謂之長男巽一索而得

女故謂之長女坎再索而得男故謂之中男離再索而

得女故謂之中女艮三索而得男故謂之少男兌三索

而得女故謂之少女

索求也謂揲著以求爻也男女指卦中一陰一陽之爻而言。此第

十附錄震一索而得男是一索得陽爻而後成震故謂

到一陽爻而成震卦一說乃是揲著求卦求到一陽後

面二陰便是震卦求得一陰後面二陽便是巽卦學蒙

看來不當專作揲著看揲著有依不得這序時便說不通大槩只是坤求於乾而得震坎艮乾求於坤而得巽

離兌一二三者以其畫之次序言也顯子初間畫卦時

也不恁地只是畫成八卦後便見有此象耳義剛又曰

是已有此卦了就此卦生

纂註

蔡氏曰乾坤交而生震

者為父母而生者為子一索再索三索者以初中終三

畫而取此長中少之序也震坎艮皆陽故曰男巽離兌

皆陰故曰女 ○ 愚謂父母六子之象亦夫子所自取參之伏

索於坤得坤初爻而生巽坤一索於乾得乾初爻而生

震即邵子所謂母孕長男而為復父生長女而為姤之

義乾再索於坤得坤中爻而生離三索於坤得坤上爻

而生兌坤再索於乾得乾中爻而生坎三索於乾得乾

上爻而生艮巽離兌雖各得坤一爻而生然本乾體故

皆從父於東南震坎艮雖各得乾一爻而生然本坤體

故皆從母於西北至若文王八卦乾統三男於西北坤

統三女於東南是既生之後男皆從父女皆從母又自

不同也先天卦配父母六子之義夫子觀伏羲對待之

卦推其未明之象以為說實先儒所未發而愚偶有見

馬乾為天為圜為君為父為王為金為寒為冰為大赤

為良馬為老馬為瘠馬為駮馬為木果

荀九家此下有為龍為直為衣

為纂註

韓康伯註曰荀爽有九家集解蔡氏曰積陽故言為天陽體動故為圜尊而上故為君性剛故為

玉為金純陽故色為大赤健故為良馬陽之極故又為老馬為瘠馬圜而在上故為木果寒冰駮未詳或曰純

陽之反又曰駮馬其色中正相半也

○愚謂夫子取乾卦象稱馬本之大畜爻外餘皆所自取如乾天坤地

之類亦皆夫子大象也

坤為地為母為布為釜為吝嗇為均為子

母牛為大輿為文為眾為柄其於地也為黑

荀九家有為牝為迷

為方為囊為裳為黃為帛為漿

纂註

蔡氏曰積陰故為地動闢而廣故為布為均虛而聚物故為釜靜而

翁故為吝嗇性順故為子母牛載物故為大輿有形而柔順故為文數偶故為衆有形可執故為柄純陰故其色為黑。○愚謂夫子取坤卦象稱輿本之剝上九之震為

文稱衆本之晉六三之爻餘皆所自取

震為

雷為龍為玄黃為專為大塗為長子為決躁為蒼筤竹

為萑葦其於馬也為善鳴為馵足為作足為的顙其於

稼也為反生其究為健為蕃鮮

荀九家有為玉為鵠為鼓

纂蔡註曰陽

動於陰下故為雷陰陽始交故為玄黃陽氣始施故為專萬物畢出故為大塗剛動故為決躁氣始亨故於馬為善鳴陽在下故又為馵足為作足陰在上故為的顙的白而顙在上也剛反動故於稼為反生陽長必終於乾故其究為健蒼筤竹萑葦蕃鮮未詳。○愚謂夫子徐氏曰馵馬後左足白也作謂雙舉也。○取震卦象

稱雷本彖辭震驚百里稱長子本師五
 爻互體稱馬本屯卦諸爻餘皆所自取
 巽為木為風為

長女為繩直為工為白為長為高為進退為不果為臭

其於人也為寡髮為廣顙為多白眼為近利市三倍其

究為躁卦荀九家有為楊為鶴纂註蔡氏曰下入而上升故為木

陽上達故為繩直為長為高陰卦故其色為白一陰盤

旋於二陽之下故為進退為不果陰氣迴旋而不散故

為臭髮陰也陽盛於上故於人為寡髮陽在上故為廣

顙三爻皆變故為震又巽反亦為震震為決躁故其究

為躁卦工多白眼近○愚謂夫子於巽卦取象稱木本

利市三倍皆未詳之漸六四爻外餘皆所自取
 坎為水為溝瀆為隱伏為矯輮為弓輪其於人也為加

憂為心病為耳痛為血卦為赤其於馬也為美脊為亟

心為下首為薄蹄為曳其於輿也為多眚為通為月為

盜其於木也為堅多心

荀九家有為宮為律為可為棟為叢棘為狐為蒺藜為桎梏

纂註

蔡氏傳曰內明外暗者水與月也坎內陽外陰故為水水流而不盈故為溝瀆陽匿陰中故為隱伏

一陽鬱乎二陰故為矯輳為弓輪陽陷陰中故為加憂為心病為耳痛陽卦故其色為赤剛在中故於馬為美

脊為亟心上柔故又為下首下柔故又為薄蹄剛繫於柔故為曳下柔故於輿為多眚維心亨故為通內明外

暗故為月陽隱陰中故為盜剛在中故於木為堅多心為血卦未詳○徐氏曰血傷也爻辭言血者皆坎象

○愚謂夫子取坎卦象如輪本既未濟爻如心本坎卦象如血本需卦爻如馬本屯卦爻如輿本睽卦爻如

盜本蒙賁等卦爻
此外皆所自取

離為火為日為電為中女為甲冑為

戈兵其於人也為大腹為乾卦為鱉為蟹為羸為蚌為

龜其於木也為科上槁

荀九家有為牝牛

纂註

蔡氏曰內暗外明者火與日也

離內陰外陽故為火為日陰麗於陽則光故為電剛在
外故為甲冑為戈兵中虛故於人為大腹火煖燥故為

乾卦外剛內柔故為鱉為蟹為羸

○愚謂夫子取離卦為蚌為龜中虛故於木為科上槁象如日本離晉草

豐彖辭如龜本頤損益似體此外皆所自取

艮為山為徑路為小石為門闕

為果蓏為閭寺為指為狗為鼠為黔喙之屬其於木也

為堅多節

荀九家有為狐鼻為虎為狐

附錄

陳安卿說麻衣易以艮為鼻先生曰鼻者面之山晉

管輅已如纂註蔡氏曰陽高出陰上故為山下通故為此說義剛纂註徑路一陽露於上故為小石上實下虛

故為門闕陽在上而果蓏成於上故為果蓏陽止故為閤寺為指前剛故為鼠為黔喙之屬上剛故於木為堅

多○愚謂夫子取艮卦象如石本諸豫互體之爻如鼠節○本諸晉互體之爻如果本諸剝上爻此外皆所自

取兌為澤為少女為巫為口舌為毀折為附決其於地

也為剛鹵為妾為羊荀九家有為常為輔頰○此第十章廣八卦之象其間多不可曉

者求之於經亦不盡合也纂註蔡氏曰陰潤而下故為澤說見乎外故為巫為口舌陰窮故為毀折陰附

陽決故為附決上柔下剛故為剛鹵少○愚謂夫子取女從姊為娣故為妾內很外說故為羊○兌卦象如巫

本巽互體如口舌本咸上六如羊本大壯夫歸妹此外皆所自取說卦之象夫子所自取為多括前聖之例為

少故求之於經不盡合也互論啟蒙愚嘗考之說卦所論八卦方位之不同夫子初未嘗有先後天之分也自邵子發明之朱子表章之然後義文之易辨明於世而夫子所論八卦方位之不同始各有歸著俾學者觀於卦位之對待流行而先後天之分較然矣今觀第六章自神也者妙萬物而為言至莫盛乎艮是承前章論後天八卦之位自水火不相逮至既成萬物也仍是先天八卦位次啟蒙亦已言之矣若自第七章至第十章啓蒙引之以為文王觀已成之卦推未明之象以為說而謂之後天之學入用之位愚竊謂自七章至篇末十一章皆先天八卦位次而夫子推未明之象以為說故其卦次與第三章第四章同姑附臆說於此

周易本義附錄纂註卷十

謹案卷八第十八頁前八行便是小而辨也刊本
小訛白據語錄改

第十九頁後六行若不由禮刊本禮訛履據語錄
改


第二十四頁前四行以陷於險刊本以訛必據語
錄改

卷九第十頁後六行這因近日趙善譽者刊本因
訛君據語錄改

卷十第二頁前五行復言發揮剛柔刊本復訛後
據本義集成改

第十三頁前四行陽匿陰中故為隱伏刊本匿訛
溺隱訛陰據本義集成改





覆校官助教 臣 吳省蘭

校對官檢討 臣 郭寅

謄錄監生 臣 李鉉